

丙子錄貞



丁丑正月初六日

上在南漢山城 南兵使徐佑申在文川成貼狀 落領

本道兵馬同晝夜前進赴難云云事 全羅兵使金俊

龍到光教山屢度合戰頗有勝捷方為相機前進 獻

陵之計狀 啓來政院請 對荷曰完豐府院君不意卒遊

國家之不幸有如此哉但聞今已三日而自上尚為行素

云當此危虞之日累日行素則恐 玉體添傷臣等不勝區

憂慮之至請叅商事勢 解素何如 上曰予本善為行素

六七日行素有何傷乎不忍解也行遠曰自 上軫念勲苦

之情寧有極哉朕不在於行素當此之時雖一家喪事不可

常時何用拘於小節耶臣民極為以悶 聞素之事不能無關於願

定衆心伏願 快賜俞音此時雖細微之事從衆心為是況此事所

關非細者哉 上曰廟堂亦如是言之然則當限五日矣 命招賢畫
使景曾曰南兵使狀 啓不為仔細而聞軍官口傳則此軍亦未矣
城中聞之其氣百倍成敗存亡在此一着必令善為之可也

上曰然矣沈器遠既知其為都元帥且近南兵所駐處可以得力
矣行遠曰賊之所憚亦在於此可以得力但外議多有懼者
援兵跋涉遠來則利鈍難也遲觀而恐或經生希望之事也此理
必無而猶以為慮者蓋恐自此踰時引日使其軍兵而亦為摧沮也
人心皆願速為師期矣荷曰我兵去時更為使勿特和事以堅
其志 上曰昨日欲出送許槥矣何以還停耶潢曰許槥等
約束不堅偵探不詳而緩兵處之應大故欲更觀形勢而為
之耳 上曰如此重事何不察形勢而輕為之耶潢曰欲擊
城外伏兵不果矣 上曰各營藝事使聞 命亦熟云昨

日不禁耶柴絕則無以炊食而常人無計慮必將即禁止
然後可以節用著實舉行潢曰近來出樵城外故柴木有
餘矣 上曰今則日亦不寒著實禁斷可也潢曰臣昨日往見
門外則賊皆退陣矣聞今曉五十餘兵還為入來西門外賊
餘則向京佛堂屯賊向南去云必向梨峴與板橋矣 上曰今
日逃軍被捉者何人耶曰廣州牧使牙兵也 上曰其家屬不在
此耶潢曰其家屬在外故尋覓出去而今士其豪者捉來
其賞當此得賊同矣 上曰其人不可不賞也景曾曰前者斬賊
五人曾給及笈之人也潢曰自體府給賞木矣 上曰知情使出
者何以為之曰已為亡去故不得捉耳 上曰必捉之可也潢曰
罪其哨官矣以內摘奸單子 上出給朴潢曰言于體臣景
曾曰知情出送者既不得捉則必姑為緩然後可以自

現若不得捉則甚有害也 上曰雖緩渠信之乎言子
體府設策捕得可也亨吉曰為日已久則必有追城之患
城上防備不可以援兵之來而慢忽之也 上曰然矣行邊曰
自此難定師期沈器遠處為有 旨使之相機約期事此軍
官出去時 下諭何如 上曰昨日已為之矣景曾曰此道軍
亦為出來云此兵最精若得三千可以無敵來人之言若信
則實為多幸而但曾自朝廷不為分付恐或浪傳也 上曰
必監司送之也罷出

丁丑正月初六日

上在南漢山城 御營廳

啓曰故完豐府院君李曙生時驍

健武士稱以別抄鍊才團束屬於本廳不得遷動之具由入
啓今已七八年西將領或有以軍官 啓請者本廳防

啓不許其中雖有邊將除授者付標於本案通則還屬蓋
為其臨急之用以重其事也今者京畿監司李湏以武
士尹震英之稱別隊欲為帶率乃曰李曙生時移送使
唆至於啓達李曙許否雖不知而積年團束之兵臨
急毀隊非但兵家大忌取此守城之卒以屬閑漫之地輕重
緩急殊甚懸絕且一武士有無似不足恤而若壞已成之規則避
苦投閑之弊有不可臆言武士尹震英勿為遷動以嚴軍律之意
敢啓 傳曰依啓備邊司 啓曰幼學曹弼辨當此危急之
日慨然陳疏其志可尚疏中所陳偵探出使事或募人或募僧
時方連續傳令於諸道而至於擁兵逗留不進者道路不通勢
難即行軍律更觀前頭事勢而處之宜當敢啓 傳曰依
啓又 啓曰林棟黃一皓等或以官僚或在言地當此孤城

被圍之日慨然陳疏出於忠憤所激而徒以君父與賊之議
云者實是臣子不忍聞不忍言之說也恐非擇言而發也至
於潛送傳命之人洞諭諸道帥臣調用閔震益等引道入
援之兵今方規畫指教逐日募入出送而特未知外援諸鎮相
應施措之如何耳此人等同在一城恐未及聞知也敢 啓

傳曰知道又啓曰守禦廳軍器監官徐夢良當此守城之日
一應軍器傳掌出納盡心國事叨勞可嘉特授實職以示
褒獎之意似為得宜敢 啓 傳曰依啓 都承旨鄭光敬
上疏大槩因走回入聞賊兵猝到獲阜避亂士女皆為被虜臣
父昂苻方在其處死生莫知入子之情蒼黃驚怖五內如割不
可察任請遑事入 啓 傳曰遑差吏曹口傳政事都承旨
李景稷 啓下

丁丑正月初七日

上在南漢山城 都體府 啓曰以徐欣男全生施賞事草記

答依 啓徐欣男因自言許科似有後獎僧入既已從施賞
到今更改事亦未安事 傳教矣欣男則勿為許科六品
職帖而僧人之從自願已為施賞者則已成規勿改已未及論
賞者咸鏡監司及都元師處遠路往來僧入則特授臺上職
帖宜當敢 啓 傳曰依啓又啓曰當此危急之旨內外相通最
為切急今者本州人徐欣男三度出入其切極重且前後殺賊亦至
三四初次出入之切已為免賊矣今以殺賊四依例許科又以往來
全羅監兵使之切六品職除授似為得宜且出入諸處僧人曾
以其一族或除職或充軍役以酬其身矣羣議皆以為一族代
賞似為未盡不如直以職帖給當身之為切云前後往來僧

入並給堂上職牒其一族代賞勿施宜當且徐欣男一時往來人全生亦依他施賞之意敢此并 稟 傳曰係啓欣男自言許科似為後獎僧人從自願施賞到今更改亦似未安矣

兵曹 啓曰京畿監司李湏以軍官自望事馳 啓矣李驤生

時許令帶亭之言臣等亦曾聞知許帶與否不須論也守堞之事砲手似勝以砲手相授專付刈草事重事其案非偶狀係此啓許令仍帶敢 啓 傳曰係啓 副校理尹集疏曰伏以臣之同生兄南陽府使尹榮方在任所故臣之八十歲祖母及臣之妻孥諸兄弟家屬並為避亂本府矣今者此城人徐欣男者自水原還傳言南陽地向化胡人粹入作賊府使及闔家盡陷兵鋒云臣於病中得聞此奇心神恍惚視聽俱迷為一失性之人屬無察職之望又況為人子者虛臬間既聞此言則何忍晏

然帶職伏乞 聖明察臣情事臣之職名及督戰衝敵之任聖
命違差 荅曰今姑改差

丁丑正月初八日

上在南漢山城 事變假注書金履禔病代李彬 都難府
啓曰守禦使管下折衝金龍起自前料理本城之事多有叨
勞而守城之後專掌大藥搗砧之事已得改擣之數步至六七
百斤盡心國事之狀案為嘉特授食知職隸以示褒賞之典似
為宜當敢 啓 傳曰依啓 禮曹 啓曰頃日行禱祀于溫祚
王而倉卒苟衆群情皆以為未盡故別釀祭酒今已向熟云今
日官擇日更遣重臣盡誠致祭且伏念人窮反本疾病必呼父母
崇恩殿辟容今適奉安于城內寺刹自上親祭以祈冥佑
或遣大臣行祭似為宜當敢此并 稟 傳曰依啓 崇恩殿

予當親祭矣

禮曹

啓曰溫祚王遣重臣致祭及

崇恩殿

親祭吉日皆以初十日推擇

啓下矣大臣之意以為同日行祭似或

未安更問于日官則

崇恩殿親祭十一日亦為吉日云以此付標以

入何如 傳曰依啓

丁丑正月初九日

上在南漢山城

傳于李行遠曰溫嬪慶平君貞和翁主綾原大

君各祖五石賜給

禮曹

啓曰伏見改院

啓辭

崇恩殿

祭時用猪作湯事入

啓蒙允矣但自祖宗朝文明延恩殿及各

陵祭各道真殿皆用素膳其意有在今不可以改院一時所見

莫重已定祭物輕用變改依前磨鍊施行宜當敬 啓

傳曰依啓

御管廳

啓曰故完豐府院君李曙所帶軍官因

體府分付移屬臣處而急遽之間未及

啓下故非但渠皆懷

不固之志厭其晝夜守昧之苦百般謀避爭效尹震英投屬
之詐勢將難遏敢望驅策任使以效其死力於急難之時乎名
號有定分數自明則可杜投屬弊且堅不固之志故出使未還者
及時在手下之人別單開錄永屬臣慶事 啓下之意敢 啓
傳曰知道李景稷 啓曰 親祭時 祭物事已達於 榻前矣
更問之則凡用果之祭皆素膳為之敢 稟 傳曰奠物豈有
用素之理是不思也又 啓曰祭猪當用雄猪而只有雌猪不得
已以此用之意敢 啓 傳曰知道 司僕寺 啓曰內乘李星身
當初入城時落馬重傷已過累日尚未差復不得祭任請
改差以知馬武健人差出何如 傳曰依 啓

丁丑正月初十日

上在南漢山城 都休府 啓曰卽接京畿監司李溟馳報

則當日以馬草刈取事使軍官尹震英領本道砲手十六名各
官下人出門埋伏刈草之際賊兵騎步並十六名猝遇相戰砲手永
男放砲中賊一名墜馬而死諸賊奪屍潰散追迫松坡設陣之處
奪其頭口鞭棍弓帛木疋及雜物而還云此人等以數少之軍奮
勇在前殺賊將刃足以聳動軍情極為可嘉尹震英及永男
各別論賞宜當 傳曰依啓尹震英姑勿論賞又 啓曰今日
曉頭金彥琳朴月生等自言夜入賊陣斬二級而來將束諦視
則非但肉凍無血剝頭之狀不似真賊方極恠訝之際出身權
僂哭許於前曰吾兄權偉頃者戰死於此門外而求死不得
矣此中一級明是吾兄之首乞許持去云臣即令衙管大將元斗
杓推問則朴月生等一二直招不敢隱諱其貪叨冒上之罪昭不
可掩若不梟示處置甚難金彥琳朴月生等梟示軍中以警言

他人何如 傳曰其情雖甚可惡與斬殺生人有間減死論罪何
如事 傳教矣今此金彥琳所為與斬殺生人雖似有間而其
情之凶惡宗為無異且軍情莫不痛惡自知其不容於人則
必有難處之患不可不皇示警衆而補月生則為彥琳所誘
首從似有輕重從重決棍宜當 傳曰依啓 脩邊司 啓曰禁軍
黃大器等疏陳蒺藜拒巨馬祚板牌長檣木匣等皆是戰用
之俱而城中所在各樣器械盡入於守悻諸處更無指脩之路徐
議施行何如 傳曰依啓

丁丑正月十一日

上在南漢山城 持平廉友恭獻納金慶餘來 啓曰虜中送
使之大不可臣等曾已脩陳於 榻前矣今聞此議復起
云臣等不勝痛駭之至雖但以利害言之其為無益而有害

聖明非不知之而每為一種議論所動臣等不在為此議者
有何於特別見得而詔聖明至此耶况聞送書中文字多有
乞哀之狀若無逞則雖極屈終亦何益請命亟停
送使之舉 卷曰此事出於勢不得已甫等更加思量勿為
煩論

丁丑正月十五日

上在南漢山城 戶曹 啓曰為正之役極緊且急各寺僧人及百
官奴子今方分給作來而所收不敷極為悶慮軍資判官
李厦長興庫直長盧弘器司饗直長申清掌樂直長沈
洽豐儲主簿金正立市奉事金會宗禮賓別坐韓稅等
七員分遣各寺有站處令兵曹量給上番軍人晝夜為正以
補萬一且當 傳曰依啓各別檢督着原為之 傳曰義昌

君慶昌君仁興君寧戚君綬原大君各租二石賜給

丁丑正月十三日

上在南漢山城 兵曹 啓曰 大駕去郤之日 侍衛軍士盡

皆還散而 扈從者三百零餘名其中守謀者則依他例

施賞而四所及下衛之軍逐日使喚之役亦極浩繁不可無

慰悅之舉來當盡減除限三年一結復戶以贖其身似為

得當 傳曰依啓 從事官以都體察使意 啓曰搃戎使具

宏謀呈內陽城旗搃禹旭等聯名等狀據把搃金大賢哨官

鄭東俊撫恤軍卒酒肉指脩親執犒饋一司之軍咸聚祝

手各別轉報以獎後來云守城將領之人舉皆如此則軍情

之怨若何足慮乎其為國之心極為可嘉今該當稟

告施賞宜當 傳曰依啓又啓曰水原哨官奇世致馬

告施賞宜當 傳曰依啓又啓曰水原哨官奇世致馬

餉士與否因傳教查問則左防禦使陳呈內今月初一日殺馬餉士後皮張則提戎廳上納的案云其為國愛士之心誠為可嘉令該曹依竹山把提金大賢例論賞宜當傳曰依啓

丁丑正月十四日

上在南漢山城兵曹啓曰都體府啓辭陽城把提金大賢

哨官鄭東俊令該曹論賞事傳教矣守堞壯士已為陞

叙矣宗職及邊將中待闕除授宜當而係于恩典上裁何

如傳曰依啓從事官以都體察使意啓曰出戰人賞格

事自初回忙擾只經御覽而未及啓下矣此事目將為

一時規式不可詳定故敢啓傳曰知道兵曹啓曰守堞軍

官自願受職者次今當除職矣閔良則禁軍禁軍則

守門將守門將奇將則司果遷轉宜當其除免賊復戶人
則令各其該掌舉行何如 傳曰依啓令各該掌詳察舉行
俾無疊授之弊且其中免賊一事似為過重更為察處事
傳教矣 聖教極為允當公私賊則並為復戶宜當 傳曰依
啓 脩邊司 啓曰醫貧尹孝男以微末之人當初 扈駕入
來晝夜奔走前者出戰將士中亡者脫衣殮殞呼寒者解
衣之且賣藥物而來士大夫有病則極力救療其為
國之域則極為可尚令該曹東班實職除授以為激勸之
地宜當 傳曰依啓

丁丑正月十五日

上在南漢山城 傳曰空石十立內入 都體府 啓曰前主簿
孔大信曾輕軍器寺官負熟諳火器諸具近次知本

州軍器搜出火器舊件修補改造功勞甚多因差軍器寺
官負使之終始監董宜當 傳曰依啓又啓曰都元帥沈器遠
等狀 啓持來人折衝池起龍司果金器良等冒死入來
得通據兵拜息其為 國之誠極為可嘉令該曹論賞何
如 傳曰依啓

丁丑正月十六日

上在南漢山城 以尹孝男除職單子 傳曰此人除職先務

戰之人似或未安此意言于該曹 兵曹 啓曰 傳教矣

池起龍加資金起良五品職帖出給宜當而係干 恩典

上裁何如 傳曰依啓金起良陞堂上似可更為量處又啓

曰金起良陞堂上似可更量處事 傳教矣依 聖教陞

堂上無妨敢 啓 傳曰依啓

丁丑正月十七日

上在南漢山城 胡人來到西門外招使臣 遣洪瑞鳳崔鳴吉
尹暉如虜陣 傳曰使臣引見 上曰聞胡人來招云未知何意
耶瑞鳳曰昨日極示緩之意而未經一日遽為來請必渠有
急事而然也 上曰予意欲言昨日所言於李信儉也當教信
儉云出城被執與守城戰死等耳決不可從云云而卿等出
見亦以此說爭之鳴吉曰當如是矣第一字說話何以為之
上曰會稽說話耶曰狀 上曰狀則荅之曰事極重大當啟語
朝廷云云可也鳴吉曰當依 上教仍言成和之後當相與議定
從其可從者而已何可任汝預為勒定耶云云如何 上曰當
如是言之而李信儉亦明教以送可也鳴吉曰臣等當直為
出去乎先送胡譯乎 上曰渠既來請直往可也且須善

為辭令罷出使臣洪瑞鳳等受汗書回大清國寬溫仁
聖皇帝詔諭朝鮮國王來書云責之太嚴反有乖於兄弟
之義豈不為上天之所愧乎朕以丁卯盟誓為重曾以兩國敗
盟之事屢加申諭爾不畏上天不恤生靈之塗炭先背盟好
與爾邊臣之書為朕使臣英俄兒代等所得始實知慕國
有措兵之意朕輒對爾春秋二信使及衆商人云爾國如此無
狀今將往征可歸詔爾王以下至於庶人蓋明諭而違之非以詭
譎興師者也且備書爾敗盟啓釁之事告之於天朕後舉
兵朕若似爾負盟自畏天譴也爾實敗盟故降之災殃爾
何反似漠朕不相關之人猶天之一字強相附會哉又云
小邦僻在海隅惟事詩書不習兵革曩者己未之歲爾無
故侵我朕以為慕國必請兵事今又啓覺爾兵必更精

鍊矣孰意猶以為未習耶然尔固好兵者倘志有未已今
以後更加操鍊可也又云壬辰之亂朝夕且亡神宗皇帝
動天下之兵極濟生靈於水火之中天下大笑之國亦多矣
救尔難者止明朝一國耳天下諸國之兵豈盡至耶明朝與尔
國誕妄無忌終不能已今既困守山城命在朝夕猶不知恥
出此空言何益哉又云惟快一朝之忿務窮兵力傷兄弟
之恩閉自新之路以絕諸國之望其在大國恐亦未為長策
以皇帝之高明何慮不及此朕尔言凜兄弟之好謀動干戈
鍊兵繕城修路造車預脩軍器惟俟朕西征之日乘間密
發言荼毒我國耳豈有施惠於我國者哉凡若此者尔自以
為不絕衆望也自以謂高明也自以為長策也朕亦以謂誠哉
其為長策也又云皇帝方以英武之略撫定諸國而首揭寬溫

仁聖四字蓋將以体天地之道而恢伯王之業朕之內外諸國大臣固以此尊號上裁矣然朕非不恢伯王之業無故興兵圖滅爾國圖害爾民也興兵之故正言伸理曲直耳且天地之道福善禍淫至公無私朕体天地之道傾心歸命者優養之望風請降者安全之逆命者奉天討之黨惡櫻鋒者誅之頑民不順者俘之務令強者知警狡詐者詞窮今尔与朕為適我故興兵至此若尔國盡八版朕豈有不生養安全字之若赤子者乎且尔所言与所行甚不相同内外前後往來文移為我兵所得者往往呼我兵為奴賊此蓋尔之君臣素呼我兵為賊故啓口之間不覺至此也但聞潜力竊取之為賊我果為賊尔何不擒捕而置之不問也尔之以口舌詈人謗所云羊質虎皮者誠尔之謂

也我國俗有云凡行貴敏而言貴孫故我國每以行之不
逮言之不忤為戒孰若爾國欺同僚詐奸偽虛誑沁八目
深恬不知愧如此其妄談無忌憚者哉今尔欲生耶亟宜
出城歸命欲戰耶亦宜亟出一戰兩兵相接上天自有成
分矣崇德二年正月十七日 傳曰使臣引見 上曰其
言云何瑞鳳曰其言無非誇大之言而多為不似之語未
知實狀何如而似必有性軋之事矣鳴吉曰渠言修飭水
上之舡將向江都云渠何敢冰上行舟乎且与孔耿同事
持紅夷砲而來云此無非誇大之言且見其目圓大似有
敗狀且渠言得見膳錄云云而怒我以賊待渠矣 上曰
何膳錄耶必是脩遼司文書也暉曰渠言得見忠清道有
旨亦以我為賊我何為賊而每每如是乎云云矣鳴吉曰

渠言欲為相好而待之每如此何以為好乎深示慨歎之意矣瑞鳳曰其陣亦甚踈鳴吉曰此正可手之時也瑞鳳曰必見敗於官軍必前進矣似必不利而來矣上曰既与接談矣其辭色如何鳴吉曰不能知也暉曰馬胡却其從者先示致疑之意言辭之際初則以我國不早從其言為恨次則以孔耿率大軍出來之事誇張之且及鄭世規處有旨事臣等答曰此吾等奉君父入孤城和事未議前事也大槩其究竟極甚不可測量也上投示汗書諸臣覽畢上曰去時云云之事不為發瑞乎鳴吉曰亦為言之臣以傳教意答之矣上曰渠答云何曰渠言如此則未如之何也上曰誇大恐恟之外更無他語矣鳴吉曰先為大言次為其言而附耳密語臣等答曰觀

皇帝所為真寬洪之君也必屠吾城等若汝亦無傷且吾
君臣上下拒戰不勝則當為自處汝等入城只得積屍而
已兄弟之義豈容如此且有罪而伐之知罪而怨之則世
世當為含恩之人豈不好哉汝以此意歸報皇帝云云則渠
不答之矣瑞鳳曰臣前日往見時持火燒茅草曰此草雖
枯天以雨露濡之則必有回生今日若蒙恕過則皇帝即
天也汝為雨露也云云矣今日渠說及其言而示不忘之
意矣上曰當答之也鳴吉曰答書何日當送之手上
曰出外議之江冰解得矣許鳴吉曰從高望見水色似多
想太半解之矣景稷曰清汗書持出傳于備局矣上曰
依為之備邊司啓曰行副護軍閔馨男當此城中危
急之日血誠陳疏疏中所論兵不厭詐策貴全勝等語深

得禦賊之長策必須講究籌畫十分商確勿為浮議所動
臨機應變以戰以守以和無往而不可至於廷臣各自獻
策採其可用者而行之必有裨益自 上深加體念何如
傳曰依啓 正言李時而 啓曰君父受圍孤城今既月
餘而諸道援兵無一人致死解難者正坐年來師律不嚴
故也李義培之擁兵遲回越視主將之敗尚未行封田之
誅則諸將何以懲懼而輕死生哉臣等之意以為急募死
士或頓付元帥狀 啓持來之人下諭帥臣就諸將先後
失律及顯有逗遛退縮之狀者先斬後聞以嚴師律且令
帥臣董率諸軍刻期前進決一死戰以解 君父之急解
冰之期只在此月冰泮之後舟楫之用不可獨闕而聞京
畿各司以下各浦戰兵船不下十餘隻急令帥臣及江都

檢使解冰卽時督發諸舡浮泊京江近處以作木塞且收
拾沿江上下公私船或裝四面防牌或設布帳整飭以待
以備緩急之用且京畿監司及圻內若干守令聞在圍城
之內一道無非令之人各邑無奉行之官圻輔之地一任
拋攤殊甚蒼黃事當變通監司則在外諸宰不無其人守
令則以假為真亦無不可令 廟堂急速稟 旨施行
答曰令廟堂叅酌處置

丁丑正月十八日

上在南漢山城 備邊司 啓曰輔德林棟再次陳疏辭
懇切而其所籌畫尤可詳盡其中念茲三軍毋或疎忽則
誠之所在人自感動云者實是慰悅軍情之要語也或巡
城堞或御將臺申飭將官慰撫士卒 王言惻怛至誠曉

諭則彼同賦天性久沐聖化之人豈有動不得今日得人死力惟在於賞典激勸之道誠不可循常其有戰功特異者高官重賞不吝輒施則破賊之策無過於斯和事之成亦係于此至於設壇祈禱已於及山神屢次處行祭求神之道不宜煩瀆敢啓傳曰知道督戰御使金蓋熙啓曰賞職之謀軍卒則頗知榮感而將官等雖正三品影職不以為閔臣意慮從落後窠闕及在外邊將運遛不進者并為通罷以守堞將官填差何如答曰其言是矣邊將則在外不知事勢而通易不可也慮從落後人則考其窠闕擇將官可合之人差除可也備邊司啓曰因諫院啓辭京畿監司以在外宰臣中差出事蒙允矣監司李溟方在城中策應諸事依甲子年例李溟則

稱以左道監司專察城中之事新出監司稱以右道監司
始令兼察一道之事宜當 傳曰依啓又 啓曰諫院
辭中嚴明軍律正是今日之急務李義培之擁兵退縮不
救主將之敗罪不容其他諸將之失誤軍機及逗遛不進
者令帥臣先斬後聞督率諸路軍兵刻期前進勦滅此賊
以解危急事依 啓辭或募得死士或傾付出送急急
下諭于帥臣且京畿各浦戰兵舡及諸道舟師江都所在
船隻亦令帥臣及檢察使及時招集嚴設備禦解冰即時
督發輕兵舡多設防牌來泊于京江收拾京江公私船隻
整飭待令以備緩急之用圻輔一路無道主帥令不行調
兵運糧主管無人在外宰臣中擇可堪方面之任者差出
下諭使之察任列邑中無守令處差出假俸而待 朝廷

命令通行考其察任能否或令假真或為改差并為下
諭于帥臣處宜當傳曰依啓京江舡隻使之收拾勿為
留待趁卽回泊于江華可也李義培事使之明查處置在
此亦令其功勞甚重他日亦勿遽改宜矣大臣引見
上曰製書人亦令入來上覽書草訖招鳴吉前進勘定
文書未穩處勘訖景曾啓曰奉君父八孤城危急在
此今日之事孰有異論哉但此為國家極重莫大舉措三
公既已知之則他人之知不知不必論而第旁觀與擔當
者有異於在外之人或有全然不知者此何等重事可以
諱秘而為之手請招臺諫及二品以上明諭何如上謂
大臣曰此所見如何塗瑞鳳曰其言似是矣上曰人心
少誠實心與口異使國事至此者亦由是也此以為慮塗

曰設有異論不可為輕重曉諭何妨 上曰狀矣昨日左
相去時其言辭則悖惡云而觀其文書則異矣塗曰曉諭
事文書改正後招之何如景曾曰今雖知委城上散在之
人自當遲回矣塗曰請出勘定文書罷出 禮曹判書金
尚憲裂書慟哭 請對 啓曰臣病退在外今到倫局見
所答 國書不覺慟哭名分不可紊也豈意 聖上忍為
此事乎 君臣上下同守一城若蒙天監則或有可各一
日如此則更無可為今日群臣不此之思 輕為文書自
紊名分彼若以君臣之義責之則終未免於出城此猶不
足慮也 國家危亡非一道也縱使如是而脫得重圍將
何以有辭於名分之上乎臣不勝忿憤裂破文書臣罪當
死七十之年更何所望而圖得苟活耶請令速死 上獻

欽良久曰卿之所言正則正矣尚憲曰如是而兩宮可脫
則猶可為也臣知其決難得脫也若不從欲生耶以下之
言則雖谷無益今若激勵士卒以死自期則 上天祐之
祖宗祐之矣 上曰上為 宗社下為臣民忍為此予心
固極容有極哉若如卿言實為無益則此事固不關也或
者如是而得脫則豈非幸哉前顛之事難可逆觀卿之所
見果為得之耶或人之言果為得之耶此則固不可料也
上有 宗社下有臣民而父兄百官公子王孫盡入一城
將為魚肉若或如是而庶有得脫之路則惟是之望也寧
為予一人身哉卿之論議堂堂正正可為大矣愚之古之
人亦豈不愚而為此等事耶但所恨者不能早死以見今
日耳尚憲曰 上教言為父兄百官而益生云金元之時

遠在其國只送使价而來恟其意不在於屠滅故得以無
事歷考前史兵臨城下而得脫有幾人哉靖康之禍當日
諸臣以為君父若出則可以無虞一朝出城後悔莫及此
賊之事恰如其時不可輕易妄決也固守此城限以糧盡
則或不無他道可脫之事上曰何以可脫耶曰雖不可
必天心悔禍賊若退兵則可以得脫且古今無不亡之國
若使君臣固守此城則雖亡何愧今者勢窮力屈遽為此
事則天下謂何後世謂何若大臣贊助廷議大定而臣不
敢為二歧之論則入此孤城不亡者幸矣如臣妄議者請
速賜死上曰非以卿言為非也勿為如此之言卿所見
獨明故能知其如此矣滿城之人皆望如是而萬一得生
不可諉以虐事而不為也尚憲曰雖知其無益有可為之

事有不可為之事此則決不可為也 上曰無益而可為者何事耶尚憲曰彼若請質 王子大臣則可為也請贖歲幣割地則亦可為之也今則渠等以出城責之一屈之後若執君臣之義而肆然令之則將何以為之乎 上曰或者如是而天心悔禍則猶可得脫會稽之危亦以此道得脫不可以一槩論之也尚憲曰會稽之事與今日不同夫差適從伯嚭之言而句踐聲言餘兵五千懷欲死之心故夫差聽之而不執句踐以去也若使夫差不聽其言而執句踐亦將何為哉靖康之事足可監也賊情雖不可測而昨聞使臣之言則虛張恐恟無所不至云或不無挫衄之事今日若許其名終無辭而拒敵矣滿城臣民之欲和云者講和之謂也若降於和下則人心無不憤矣縱使此

事得成滿城臣民或可生也 至尊決不可保也 上曰
卿以出城為慮耶出城則決不為矣曰臣已知之而文書
中擢髮字是何言耶臣未及畢覽而裂破矣知其無益而
許如此之名耶 上曰或望如是而得脫也出城則國亡
之日豈不從乎尚憲曰此是出城階梯內而人心潰裂外
而賊勢凌駕則不為出城而何為目前可以即見矣 上
曰分死而已此則決不為之矣尚憲曰 聖意若定則此
時可決焉此文書之後則名分已許矣何敢更為辭乎聞
閭閻匹夫以死自期則可以免也若為佯許則終豈得免
乎今送此書則城中之氣必散矣 殿下雖欲自強誰與
為之 宗社存亡決於此刻諸臣中亦豈無一人料事哉
何不問之而宜大計乎 上曰已令聚問矣之羽曰已

招二品以上及三司矣。上曰：聞胡差又來，云當聽其所言而處之。姑為退出。崔鳴吉及李植三司請對植。啓曰：到此地頭，不為屈服而堅守必死志，然後或者回悲恻之心而從我之請也。今若堅定君臣之分，則甚不可也。不可奪者，志也。志若見奪，則何事可為？渠雖責我而名分上事尚不可從。況自我要悅其意而徑許君臣之分，則雖復有可望事，渠亦必不從矣。上曰：卿意則已知之矣。其意蓋欲堅守而待賊之自退也。在我其有可恃之實乎？若使糧足，以支兵足，以禦，則何必為此事耶？無其實而為此言，豈可哉？植曰：今若堅守，則匹夫尚不可奪志，况千乘之國哉？渠若知屠戮之後，徒成義烈而已，則或不無解圍之理。志氣見奪，則無復可為矣。上曰：示我不可奪之實，則彼

當解圍者甚不可志雖不可奪其如實無所恃何若如卿
言坐而待亡之意也卿言如右相之言右相以為初頭不
當輕許此果為初頭乎鳴吉曰當定行与不行事在可行
則行之不可行則不行而已我國之事每以朦朧見敗告
君之事亦為朦朧乎植曰以當為極待答之可也何必經
算之乎鳴吉曰指陛下字耶然則刪此二字不難也奇賢
曰三司之意亦如此矣鳴吉曰滿城人無不欲為此事而
裂書之後近於臣字者輒欲刪去此何意耶金尚憲則伯
夷也其外他人又從而為此論此何為耶景奭曰天人所
歸字亦為過重鳴吉曰此則無妨今功爭前金清二字致
有今日此等文字有何所閑而更為此蔓辭耶上曰渠
之國書亦有容許之意如是而上保宗社下悅父兄百

官則寧非幸耶朝夕危慮之秋當一心誠實可也不可與
昔日屋下私談務為高大而已也植曰臣意非欲不然也
只欲先定在我之志也若徑定君臣之分則名實俱喪矣
上曰卿意則予知之矣陳平白登之行間使三尺童子聞
之亦為拍掌大笑之事而畢竟以此得解自古謀國非一
道也豈可以一槩論之耶如是而必得解圍則固不可必
也亦安知因此而得脫乎鳴吉曰賊今日又來約戰必有
忙事無乃外援或來上曰外援之來不可必也其所以
忙迫者必有以也今日則不送使价可也今日若送則渠
必以我為畏劫明日送之似可矣鳴吉曰大臣及聖求則
言今日當送尹暉則以為明日當送云矣雖狀趁今夕送
之何如景奭曰今日則不可送也天經地緯改易之節是

何等大事而可輕許乎彼雖犬羊亦將以為何如也不可不詳思而處之也 上曰諸卿之意以為賊勢如何景稷曰必有所以也渠若有志於戰則何必預乎今日此事孰不知其出於不得已也李植之意蓋欲先執吾志也 上曰在我有勝勢則豈不好哉我無可恃之勢彼有陵轍之氣其如無實何植曰臣意欲立在我之事以為應酬之地耳徑許名分則後無可為故欲去名分上實字矣時楷曰臣在陣上屢日望見渠之出兵已久而不還乘夜運去下馱若為迎擊則必無運下之事以此見之似必有忙迫之心姑緩送書何如 上曰雖然事有其機不可不察也此賊極為兇狡而自昨似有慌忙之色未知何以如此耶景稷曰自再昨如此必有所以也時楷曰渠兵出來者今已

十三日而不還必見敗於我軍也 上覽荅書曰似好矣
命雄請去陛下二字姑待明日 上曰其言不無所見大
辱大恥將必不免支辭蔓語何可計乎命雄曰雖狀大防
所係不可不計雖隻字片語當改者改之可也賊之連日
來呼者亦必有以臣前為執義時見事寢假注書所送西
邊狀落奴中有天兵百萬出來之拜水邊居民盡避入城
輸入野穀云云矣此賊上与 天朝結怨汗來之說似無
理也昨日文字以日計之則必稟定於汗處而來也無乃
其國內有隱憂紂日使還故期限已過欲為速成而還乎
姑待今日趁明日回答則安知 天幸有好事機乎區區
憂慮不敢不達景奭曰奉 君父八孤城苟可以免禍則
宜無所不用其極何敢為常時之言乎但臣意自彼恐喝

於書式上自我亦當稱停為之豈可徑送文書先定名分乎上曰其所見則是矣而李植則欲使坐而待亡矣景稷曰李植之言亦不如此也上曰名與實俱表之言何謂耶景稷曰渠意以為姑緩文書反覆相爭先定在我之志而往來酬應可也若徑許名分則無復可為云矣上曰然則為此耶景奭曰大臣不必送也先送許憫講定後送書何如今日既許名分則後日雖責難從之事無以為辭矣上曰甚好而我國宰相不能善語彼甚兇獍不得相議文書之後不能通達云難可以口舌爭也景稷曰此則誠然言語則憑人相通不能盡意渠亦不得解聽矣蓋熙曰請許憫先為出送上曰許憫何能了大事景奭曰今日姑不送書先為送人講定示以不可從之意何如

上曰今日則不可送人也文書亦講定之意也景奭曰文書則專至尊奉無復有餘地矣天人所歸字極為未安以他語改之何妨命雄曰不過措辭間泛語而於我則關重渠則不以此加喜去此四字有何所損上問時楷以望月峯賊勢對曰帳幕甚多有一帳幕而色黑而最大賊兵往來時似有聽分付之狀自再昨日無此帳幕而多立防牌矣上曰防牌是自衛之物而非攻城之具矣頃聞曳似棺之物上未不測其意昨日渠言持紅夷砲以來云必欲誇實此言而曳來也時楷曰果為曳來矣度其為大砲之機而豈知如許之大乎上曰恐誇之事也景奭曰若有紅夷砲則豈不用於寧遠乎即今孤城之中所恃者天也聖上所奉者天也天命不可也天命何可測而敢

加天人所歸於賊首也宣無他文字而必下天字耶 上

曰言于大臣可也蓋熙曰軍士則影職亦以為榮而將官則雖正加資亦以為不闕若和事得成則將官無復可用若或為戰則不可無慰悅之舉扈從落後及擁兵不來之遣將請直遞易以守城將官隨闕填差何如 上曰其言似是在外遣將不可知也扈從落後人則考其窠闕差除可也蓋熙曰忠清兵使李義培不可不治請以中軍李廓為其代 上曰舉名言之者不知事體也間帥之任豈可人人薦之耶退出 金瑬洪瑞鳳崔鳴吉尹暉引見 上曰予意答書不必送於今日而今聞使臣下直云必於今日可去耶瑞鳳曰從西門通信從他門請戰今日不得不去也瑬曰若於渠之請戰後始為送人則似為示弱而朝

既約送國書送書之事請戰前所言也今日送之無妨
上曰必明日定戰之意耶瑞鳳曰似為恐恟之言塗曰其
必不戰則未可知也此奴自前不為偽言矣然必有忙事
也如不得和則無寧此時決戰也坐困誠為大憫然此事
則終不可不成今日送書有何大害瑞鳳曰臣等雖往國
書中所言外雖一毫不敢加矣上曰今明有何大利害
但因其恐喝而送人則恐節節恐恟也塗曰李信儉不為
取稟妄為既言之後則不可停也上曰判書忝判之意
如何鳴吉曰議者或言明日當送或言今日當送臣意今
明不閑往見何妨以某事則可許某事不可許之意爭之
而不聽則置之可也上曰予意則明日不必戰也鳴吉
曰明日不必戰也然每事過為詳審則亦似有病渠於昨

日送書則今日答之有何所妨第未知尹暉之意如何也
暉曰臣意今明之利害別無閒重上曰然矣但今明孰
優也暉曰雖於明日往見亦何晚也瑞鳳曰如在可報則
昨日得書今日為答似可矣塗曰追迫之後送使則尤為
示弱上曰予意明日則不必戰也今明別無利害而但
因渠恐切而送使則恐他事節節恐恟忝酌為之可也叅
判亦以為今明無間云而別不明白勝於今日耶對曰然
上曰然則今日出往可也明日無進迫之理卿等勿動也
塗曰臣意不免一戰則無寧速決也張維為書於朴演亦
欲趁今日送使矣鳴吉曰李聖求之意亦然上曰御營
大將元斗杓不善處事使賊人公然誑誘我卒而坐而聽
之不為嚴防云其無謀若此哉塗曰當招從事官申飭焉

上曰今後更加嚴飭勿誤事機罷出金蓋國請對 啓曰
軍兵放糧欲減二合矣體臣以為今巡則當勿減何以爲
之 上曰勿減也曰如是則必有不足之患而體臣之意
如此故敢 啓者正亦為今數條為之而恐有未及之患
也 上曰所畚獎何曰二百餘石矣北倉南倉二倉內北
倉則已盡而考其用下則無面五十餘石文書差錯耶耗
費太多耶未可知也退出 遣洪瑞鳳雀鳴吉尹暉賁谷
書如虜陣 朝鮮國王謹上書于大清國寬溫仁聖皇帝
伏奉明旨勤賜申諭其所以責之切者乃所以為教之至
秋霜凜凜之中帶得春生之意奉讀惶感措身無地伏惟
大國威德遠加諸藩合辭天人所歸景命方新而小邦以
昔年兄弟國顧反獲戾於興運之初反求諸心有噬臍靡

及之悔今之所願只在改心易慮一洗舊習舉國承命得
此諸藩而已誠蒙曲察危惻許以自新則文書禮節自有
應行儀式講而行之其在今日至於出城之命實出仁覆
之意然念重圍未解帝怒方威在此亦死出城亦死是以
瞻望龍維分死自決情亦戚矣古人城上有拜天子者可
以禮有不可廢而兵威亦可怕也然小邦情願既如上所
陳則是辭窮也是知警也是傾心歸命也皇帝方以天地
生物為心則小邦豈不當獲 於全活優養之中伏惟帝
德如天必垂矜恕敢吐實情恭俟恩旨崇德二年正月十
八日 洪瑞鳳等為虜所却不得傳 國書而回自 上
招見鳴吉 啓曰今又不捧 國書矣 上曰何以為之
耶曰臣等先通則龍胡出來蓋先為來待托稱將帥招之

而去矣俄而金危屎出來言馬夫大不來日且已暮遽為
入去云云矣上曰龍胡之先為來待也何人見之耶曰
李信倫見之云云矣退出

丁丑正月十九日

上在南漢山城利川府使曹明勗身死以狀啓侍
曰令該曹欽獎之物量宜題給備遣司啓曰江冰將
解雪消水漲則廣津以下沿江一隊為賊陣背水而往來
之賊通行為難江都舟師雖不可取來左右水站之舡方
今留泊于江都云云急急下諭于帥臣及檢察使令一
將領收取上來并与京江舡隻之輕快者作綜合為兵舡
且水上忠州原州呂州楊根等處所在公私船隻亦令帥
臣分送幕下之官一一收聚水上水下舡隻皆設防牌多

載砲肘極擇可合將領者稱以壯師防禦使使之統領或
進迫賊陣近處或為逗撓賊通行之路以為水陸并進
之勢實合事機敢 啓 傳曰此事無益於實事而有害
於江都徼禦更為忝酌處置 左議政洪瑞鳳上劄曰伏
以臣昨赴陣前曾患眩症重作入城門後不省人事將至
墜馬所率人始覺其危重挾扶下馬置諸路側良久昏倒
仍得奏還所 頭目旋轉痰火上衝一夜之間喘且垂絕
者數矣今日傳書之事宜急而不宜緩狗馬之病根柢既
久發作且劇勢不可自力起身揆諸公私誠極憂悶臣不
勝戰灼待罪之至 答曰省劄予甚慮念卿其安心調理
勿為待罪 崔鳴吉請對 啓曰臣今日當往西門外矣
先令李信儉出去其間事機有難料度而且左相有疾何

以為之 上曰右相當為出去也李信陰何敢言某相之
出來也渠若見卿等問之答以昨日觸風生病不得出來
云云可也鳴吉曰給賂之事体相之意以為龍馬則給萬
兩鄭命水金尾屎則給三千兩事今日書示無妨矣 上
曰何用如是無味為之乎試觀其氣色可也鳴吉曰渠俗
不相隱諱鄭命水茅若典龍馬均給則似必未安且今日
為大獎閔在所可許則似當於今日許之也 上曰觀其
所為而給之可也無味給之則何以知其情耶若給下人
則將帥豈不加給之理乎獎微之際不可不慎今若無味
給之而渠只惟唯則何以為之鳴吉曰李信陰徐當論賞
矣聞本衙門正有闕云請今差除何如 上曰時無見功
何輕為差除耶且我若云均給而渠或曰吾輩與將帥有

等不可均給云爾則果為誠實欲見此幾微也李信陰處
既不如是教之則恐或以言之也鳴吉曰信陰不忍能言
矣上曰卿亦勿過動天命若未絕則雖到萬分地頭或
有可保之理言語之間十分慎重之羽曰魏山實出去而
信陰則想必未及出門以此意教送何如鳴吉曰已為教
之而恐其輕發也臣等不能善於辭令而所以周旋者實
無所不用其極雖不可謂不動而至此地頭惟當以一進
置之死地何可如是過動耶上曰右相招來鳴吉曰右
相不聞於辭令而今日事機甚重且右相所見有異所見
既異則雖自勉強不能善為措語矣上使如此則同事者
亦不得盡其言矣請與兵判出去何如上曰似可矣兵
判能於言語乎曰其人雖似遲鈍能善察人意矣上曰

今日是約戰之日而北門之賊尤少云其故何也鳴吉曰
必迎擊援兵而所以約戰者不過欲促今日之事也上
曰大臣必往乎昨日已為出見今日則以病不得來為辭
而只送二使亦何妨曰此則不可渠既知三人之當來今
不可減也然則右相當為出往必坐於小臣上然後彼以
秩高大臣知之矣上曰從權道何妨但信儉輕妄恐或
宜言之也金瑬李弘胄八來上曰今日當送使而左
相有病何人當往乎瑬曰小臣當為出去而彼雖偽言今
日是合戰之期不可空此出何以為之上曰領相則主
兵之官不可往也弘胄雖老病奏往見之何如弘胄曰小
臣老昏且不能言語矣然若無使出則何敢辭乎上曰
他人亦可送之而李信儉甚輕妄若以直言則甚為不可

右相當出往也卿之意見固與廷議異矣然國之存亡在此一舉言語之間必須委曲可也弘胄曰小臣對 聖明不敢諱臣之志而已到彼何敢自以為異而乖了大事耶第未知何以為措辭耶 上曰只令崔判書釋其文議而已此外有何酬酢之事乎渠若言攻城之事則答云事極可悶而大國必無不已則亦將奈何云云可也塗曰當云大國兵勢固不敢當必欲攻之則當有一死而已非我之敢敵大國也實出於勢不得已云云可也弘胄曰小臣老昏且不善於言語矣鳴吉曰老成之人不必多談若開口暨出言根則在下者可以畢其說也 上曰速為出去退出 上曰請對者招之李敬輿羅萬甲請 對敬輿 啓曰危迫到此人無保身之望主屏臣死乃分之宜若有解

圍之事則何事不可忍為今者決知其無益而為此必不
為之事今番國書有不忍者然若有益則亦不暇計也
但賊勢如此之後則雖萬端哀乞必窮極其意欲而後已
也豈為吾之愚乞而憐哉當初則以講和言之今則已到
奉表稱臣矣終至士氣沮喪人心動搖則事無復可為者
若自上堅定聖意為背城一戰之計則城中滿萬之
卒足可為恃今者一為奉表則二百年禮義掃地盡矣
殿下何面目更對臣民乎然若或因此而脫君父危難
則雖被髮左衽亦所不辭臣則決知其徒辱而無益也然
故欲為試之矣敬輿曰國書中言語有不忍見者上
曰措語間自爾如此矣萬甲曰臣意前已盡達奉二聖
於孤城苟可以脫重圍則無事不可做也但此事則与和

不同一辱之後則援兵雖至亦無可奈何城中猶有一月之糧而因使介之往來士卒已有生之氣若失士氣則無可為矣 上曰人之執志是非之間當為一定前日之言不如是而今日之論何共異也萬甲曰小臣前日則雖欲為和無次序矣昨日出往而不得傳書今者更為出往事無次序是用為悞 上曰所謂次序者何謂也曰前書與今書同乎 上曰何如斯可謂之次序乎曰先以利害諭賊而後徐為之未晚也敬輿曰奉 君父脫重圍之心人孰無之哉主事 廟堂亦無他心而究其歸宿畢竟無益矣 上曰然故諭之曰某言則可從某事則不可從矣子亦豈不念及乎此也雖曰糧足以支一月亦豈可恃乎上之 宗廟社稷將亡矣下之父兄百官臣民將魚肉矣姑

欲上全 宗社下保臣民區區之意望其僥倖或者天命未絕則庶可因此而脫也予亦固知其無益如甬等之意也然豈可諉諸無益而坐而待亡耶羅萬甲以為講和則可也此事則不可為也渠志若只在於和則在其國亦可為之何可動兵遠來乎其識見不明言語無倫如此予不能解聽也萬甲曰苟可以解 君父之危則何事不可為也但事無次序昨日使臣空往空來受侮既多而今日文書亦無餘地設使援兵入來亦無所為矣敬輿曰志在攻城則當為齊集而臣往北門望見其陣則甚為虛疎賊情雖不可測似必見敗於援兵而有忙迫恐喝之言也一人死生亦有其數千乘存亡豈不在天執其是處則天或可佑若或不然則徒傷士氣目今事勢已到十分地頭臣雖

無狀何敢故為大言心然而口不然乎 聖慮非不熟講
而 國書措語甚為駭錯名分上事則當察而為之可矣
上曰其言有理人孰不欲如此而勢有不得已者若以正
道言之則惟當背城一戰君臣上下同死社稷而已萬甲
曰臣昨進 廟堂聞之賊之形勢与前大異云在前自
上下教恐崔鳴吉之過信賊情也今者製書措語之間更
無餘地是用為憫目今糧足以支月湖南西北兵勝敗時
未聞知而 國書措語遽為太重請先為送人的知其出
來而送使何晚乎退出 李弘胄崔鳴吉等還自虜陣引
見 上曰李希曾來言渠欲更為送人矣已為送來乎鳴
吉曰不來也臣等出往相見渠与右相曾見於開城府矣
相逢歎若平生渠使屏人臣亦屏人 國書上一款則渠

甚喜之曰吾與大臣實為一身所縊之言悉陳可也讀下
一款則當初只言難從矣終則曰然則無乃恐有他患耶
臣等曰然矣渠言自古征人之國有如此事而逢他患者
乎臣曰古事則不須說即見兵威如此帝怒甚盛何敢信
其無他患耶渠不以為怒措天曰宜有是事且言他將已
往江都明与明日當還請觀火起云云臣答曰以汝國兵
力何事不可為此山城亦何必其得保耶第以出城亦死
故為等死之計耳大臣亦如是言之則龍胡回坐不答馬
夫大以短酬酢使之還入曰既不從請矣吾等何顏持此
國書入見皇帝耶不復更來云云臣等還入行數步許更
為招之曰當往稟皇帝而來報仍為留待云云矣且聞李
信儉之言則金危屎屎鄭命水等言吾等有何周旋之事答

云汝等以言語周旋則豈無助乎云云矣弘胄曰初示款
色終示怒色矣上曰初諉而終脅也鳴吉曰渠問臣等
曰汝等欲為何言臣曰百官則可以出城主上則恐懼
終不敢出矣渠云百官能為君王之事乎此後當試問曰
若或解圍則可以出見仍探渠之答辭如何上曰勿須
如是說只以恐懼不敢出為辭可也鳴吉曰渠之意望已
足似必止此矣上曰然則不欲為則已矣若或為之則
此外何以加乎若必以出城為辭則當曰出城之危甚於
守城故決不得出來云云可也弘胄曰觀其辭色似有忙
事矣鳴吉曰所謂分兵屯駐環陣七日程者亦無非誇張
之言暉曰當初則甚絕之決不得納書為辭而旋即捧去
此可怪也上曰賂銀之事今日已言之不須更言明聞

言之可也暉曰今日言之有何妨乎上曰加等給賄事
只給龍馬兩將而已分明言之可也且出城一事十分力
爭右相退出上曰叅判所見何如暉曰今日則似有喜
色雖不測其志而初旣固拒旋即捧去矣鳴吉曰自前如
此矣暉曰出城一欺以死爭之以為与其等死寧死於城
中未知今番回答之如何也退出上謂鳴吉曰卿等言
欲親見皇帝云然乎曰臣等果請親見皇帝則渠怒曰然
則汝愈於吾輩上曰然則以我為不信皇帝之出來而
如是云云耶辭色何如曰不可知也渠性不合於意則例
為生怒而今番別不至大怒矣上曰渠似忙色乎曰不
可知也以臣所見事可成矣渠若盛怒則必不捧國書
而且不酬酢矣今者旣已極盡事言之未知何以答之也

之羽曰渠之歸期似已迫矣鳴吉曰當初出來兵馬必不下三四萬而今其見存之數甚少矣上曰豈至三四萬之多乎然必先運卜馱矣鳴吉曰若然則豈不幸甚觀今日答書可知也然出城一事必一番更爭矣上曰然矣速為出去難從之請千萬拒之可也退出

丁丑正月二十日

上在南溪山城四更胡差來招以夜不開門言送平明又為來招李弘胄崔鳴吉尹暉等出接而還金瑬及使臣引見上曰今日更為何言耶弘胄曰以傳教之意言之仍為許多說話矣上曰比前加緊乎鳴吉曰大緊誦國書中語且曰當初果無好意而今得悔過之言故皇帝盡弃前事深以為喜吾等亦不料帝意之終如此也

是以不計夜深而來招云云其外許多說語有不可勝言者臣等不欲卽辨只言當歸語朝廷与大臣百官會同講定云云而來矣 上出示汗書弘胄曰渠言着不出降則天下皆以為征小國亦不得志矣不可只以文書徃復也且斥和之類亦不可不先送又云如此則今日出城而明日解圍於汝國一日危急者也今當留待趁速回答云矣上曰二件事皆當歸議之言非矣其中一事非可議之事而崔判書入得甚誤矣此事亦以為可從耶鳴吉曰臣非入得如此也必持此答書以去然後可以接話矣 上曰其志必欲成大慾耶欲得斥和臣而云爾耶塗曰渠勢如許而吾窮到此自謂若是而後可以威天下故必欲得遂其大慾也若或知吾有必死之心則抑可動念耶此則不

可知也今日答書只當開陳利害而已第一件事何以為之
上曰兩事皆不從則只為空言而亦是不忍為之事
也塗曰何可忍此事當諭之曰斥和之人聞知向南朝之
心移之於大國云云如何鳴吉曰渠言非不知八來停當
而圍此孤城親自八來則天下萬國皆謂我不得志矣其
言不可測也欲為八來而為此言耶抑欲送使价而停當
耶上曰右相亦聞耶曰皇帝八來之說則不聞矣塗曰
皇帝八來則尤不可從也上曰此則尤抑揚或者降等
之意耶鳴吉曰書式不可仍前也當直為節目曰若蒙退
師則當設壇城上望拜以送云云如何暉曰一如前書則
徒增其怒矣崔鳴吉曰然矣斥和人一款當答曰斥和之
人予亦曾已加罪矣但此則執迷不知天命所在徒以名

分為重大國新正務崇節義則不必深治云云何如塗曰
當曰此人等當以向南朝之心移之於貴國云云可也鳴
吉曰今番國書當節目城上望拜事及迎勅謝恩節目并
及之何如上曰此則非講定為之者也鳴吉曰渠之所
謂入城停當者無乃指此節目耶胡人不為虛語矣暉曰
臣只當血戰而已空送文書似無益也城上拜送彼豈貴
之鳴吉曰彼所謂斥和之人若一時結來則查正之際必
為擾亂者甚究也小小斥和之人無不為而力主之輩皆
不入城遭天下之大變豈料至此耶弘胄曰渠言自知斥
和首倡者云塗曰渠雖言之何可忍送上曰勿為前說
以恐懼不敢出去為辭可也鳴吉曰以心怯而胆弱恐懼
不敢出軍前為辭可也不可以禮數爭之也上曰城上

拜送事前已言之不必更言也暉曰城上拜天子者唐太宗攻不克而城主從城上拜送者也此文字不可用也鳴吉曰渠必不知其義矣暉曰雖然不必再用也塗曰若或曉之則甚不可也當退與張維等三人製之上曰依為之退出金塗崔鳴吉李植製書入對鳴吉啓曰臣等製書以來必俟財擇然後可以正書趁夜往傳矣上曰右相何去乎塗曰退出寓所調理矣鳴吉曰出城一款李植之製與臣所製不同尤為著切真是別意思也請以植製書送何如上更覽植製因與商確抹改數處鳴吉曰斥和人一款臣製似優出城一款植製似優合兩製而推移用之何如上指崔製曰此製亦好可以推移用之退出鄭之羽啓曰右相病代李德洞當往故方為待命

矣 上曰使之入來德洞 啓小臣隨 駕入城而寓於
僻巷病不出寸步之地未知今日事勢如何而不意今者
假銜入送臣固不敢辭當問廷議而酬酢矣 上曰卿於
宰相中善為辭令故大臣薦之矣以卿之力若能周旋則
其幸可言德洞曰雖萬死奉 君父出孤城實為大願而
賊勢鴟張事機甚急未知何以結末耶 上曰出與大臣
議為言之 大司憲金壽賢執義蔡裕後掌令黃一皓持
平林璋請對壽賢 啓曰今者伏聞定奪於引 對以為
稱臣云安有如此因極事乎雖危迫名分至重一下臣字
便責臣道則未知何以為之耶請加 詳患徐之何如裕
後曰渠之文書既不勒定使渠若曰必如是而後解圍云
云則今日此事猶之可也豈可遽爾稱臣以索名分乎當

如昨日 國書議定約束可也如此之後則更無可言矣
上曰渠所言二件事皆是難從之事故不得許一事且前
書既云當修式例而彼既不聽今若并與此事而不為則
似為無實故不得如是矣裕後曰我國之書漸為屈故
渠亦每加一層雖以利害論之亦不當如是也 上命招
大臣亨吉曰昨今彼之催促甚頻欲為脅迫也未可測也
裕後曰汗之來不來亦不可知也金塗八來 上曰憲府
以卿等所請為不可矣塗曰小臣亦宣不知但當初既與
相約曰文書禮節當從儀式目今賊勢何可當也每以一
事往來則非但徒勞而無益自前伊賊每以我 國為失
信今者若有依前則宣不執以為辭乎臣之愚意如此未
知憲府所見以為全不可也抑以為無次序耶亨吉曰以

為更無餘地云矣塗曰若曰名分至嚴終不可為則已不
得已為則今日直稱未為不可也大槩此罪臣自當之不
如是則不可不為也若使伊賊事勢忙迫不待加層而退
去則善矣若因此生怨則永絕文書往來之路則何以為
之耶事機甚重決此一着諸臣之為此言者果能的見不
如此而可以有為之路乎臣則實無的見請問之此事因
極臣豈不知第不能透得此一節自陷於天地間極罪臣
之所見至於此耳与憲府之見亦異矣小臣當初亦如是
思之而聞鳴吉之言實為善度矣上曰何以為之塗曰
今日則無他大臣而小臣獨當此事尤為萬死之罪也而
聞李希曾之言彼問洪政承來耶云云而朴蘭英亦在其
陣若知假銜大臣則似不信李弘胄雖甚病不可不往故

臣再送人請往而時未見回報耳壽賢曰小臣何以知之
但不勝同極而來 啓耳 崔鳴吉入來密 啓 上招
體臣密語良久塗曰夜深請出治文書退出

丁丑正月二十一日

上在南漢山城 都承旨李景稷請對 啓曰以群臣不
忠之罪惡國事終至同極以貽 君父之辱至於苟存視
息之狀不須盡達被圍孤城賊勢日熾迫不得已為此舉
措請招文武百官及宗室曉諭何如大臣之意亦如此而
不敢以文書 啓達故敢來以 啓 上曰其意是矣而
此實同極之事莫大之辱將何顏面對臣僚言之乎況此
諸臣亦無不知者予不忍對而言之也緣予不教事至於
此安有如此同極之事乎景稷泣曰往日之事不足盡諭

不知而言者猶之可也知而不言者罪尤大也老成先見
之言則攻斥之事不得容皆是群下之罪惡言之何及請
以傳教之言諭百官使知之 上曰更無可為之事上
為宗社萬一之幸下為父兄百官滿城生靈欲免目前
魚肉之誅而此亦難必共併成而亦不可以此置之無可
奈何故為此同極之事而涕恐終為虛事耳景稷曰何可
以為虛事東方數千里封疆豈終為禽獸之鄉哉 上泣
曰不能早死竟見此事同極同極奈何景稷曰天地
神祇必有監臨豈忍使無失德之君上終至於不測之地
乎退出 使匡李弘胄等還自城外引見 上曰老病之
人觸冒風雪何以往還乎弘胄曰既出城外風勢頗煩若
如夜來何以得往 國書傳給矣前日則云無顏納汗而

今者則順受而去矣。鳴吉曰：臣言國書中語意則渠問兩件事，何以為之？臣答曰：此則我國尤為痛心。皇帝若令縛送，則可以即送而第此輩秋間被黜，今方四散，何處得之？還都後當從容搜得，以送云云。則渠言何用言之？惟托耶臣曰：其人等亦無它意，只以一人之事，二帝為非。國王秋間始為覺悟，黜其人而送秋，此則吾已言之矣。渠不固爭，至於出城一歎。臣曰：國書已盡，皇帝見之則可知我。國之意矣。弘胄曰：渠在瀋陽定奪，則只可以文書往來也。到此地面，則何敢不為出見乎？鳴吉曰：臣言既為稱臣之後，則此是節目間事。倘蒙回軍降勅，則當為迎勅而次送謝恩使矣。渠答曰：勿為此語。且觀渠之辭色措語之間，疑我此後更為反覆矣。上曰：何以言之？曰：不能詳。

知而似有如此話端臣言君臣之分一定則不須有疑云
云矣弘胄曰固難測而似無暴怒之色矣上曰此則欲
誘我也難從之事何以答之吏判不善言語何辭而却之
耶無乃置餘縊耶弘胄曰此事則拒之不遺餘地矣且臣
茅言天下聞皇帝一舉兵而臣朝鮮則此名為大其外更
有何所求耶皇帝見國書則可知小邦實情云云矣
上曰金尾屎今日為暴戾之言云耶鳴吉曰鄭明水言如
此則抱帛而死可也金尾屎則別無他語無乃言於李信
儉耶景曾曰鄭明水言之云上曰然則予誤以金尾屎
聞之也鳴吉曰胡性不合其意則卽時怒色而旋卽解之
今番辭去時不為相揖矣上曰不揖耶弘胄曰渠言別
無可言之事不揖而去頗示落落之意言辞之間每誇渠

不憂芻糧之事而恐喝城中自盡之勢矣 上曰順受國
書而往者何意耶弘胄曰前則以無顏歸納為辭而今則
順受而去似必有以也暉曰臣等言帝若見書則可知廣
情渠不復可否矣鳴吉曰非渠可否之事故也 上曰渠
何敢可否也順受以去則似有可望豈可与卿等可否也
若為皇帝見書之言則渠必有爭語而不答持去此則事
有可為也且賊情有二出城之言蓋欲欺我不恤一兵而
奪國也此其所長也其計不遂則方始攻城也但其勢不
重如彼四散以此見之似有欲為速歸之心也必不出二
件之外也鳴吉曰此漢出來時必以議定而來也弘胄曰
汗若出來則分明歸計一日為急也 上曰汗來之說不
為仔細矣鳴吉曰汗若出來則分明至於此耳 上曰出

城之言分明無執歸之詐也卿等今日言語之際無乃遺
餘蘊耶弘胄曰臣等力拒之以死自期曰必欲出城則甬
等他日所得不過積屍空城而已鳴吉曰臣等欲試其氣
色問於明水曰京中有火氣無乃大闕見燒耶明水言於
將胡則遽示怒色曰欲為和事何問大闕之有無乎上
曰此言必不得已言之耶弘胄曰此賊每仰坐城上極為
兇惡而共陣則似空矣鳴吉曰何處出設耶誠不可測也
景稷曰宣傳官巡城者來言麻田浦上炬火四十餘柄往
而復來云無乃運卜耶上曰其處有淺灘也曰有灘矣
且冰解可舟弘胄曰近來更無應火處西北軍之消息尚
未得聞極為鬱悶景曾曰空石問於管餉使則守堞軍棒
去空石則不得推之云一營放料石數甚多軍士不知云

無乃將官等取去餉馬耶 上曰軍士則云主管者推之
云而主管者則云不得推來何以無着實耶無乃下人弄
術耶既不得推來則軍士必鋪坐而無一人鋪坐云必有
去處承旨察而查問景曾曰巡城宣傳官武無則數多故
分巡三處實宣傳官則只有五人故只巡一面五人分巡
四更不堪其苦云在京時亦以摠府郎廳監軍矣請使分
功 上曰依為之且軍士自前言守禦廳有南靈草某條
覓食云何以有此言耶景曾曰曾聞摠戎廳有之故問於
本廳則實為虛語云 上曰必此言也景曾曰蘓魚有餘
存者而共數不多不過一尾分給請令頒給 上曰姑徐
之待減料時給之可也溫嬪及王子王孫皆無餓云亦為
分送可也景曾曰然則當分送於 先王後宮及諸王子

乎 上曰大臣處亦為分送景曾曰其數不多當以其餘者分送乎 上曰依為之退出 胡差來大臣李弘胄等出去 上引見問曰今將出去乎出城一款更為酬酢渠若言及只言文書已盡惟當有死而已嚴加拒絕可也胡人之欲無厭自我若置餘地則必期得遂而後已極其峻拒則必有固爭矣崔判書性弱賊若恐嚇則每欲以遜辭誘之此實不思之甚也設有不好之事勿為酬酢可也印信事若問則答以自前所用為可鳴吉曰當以元來通用答之手 上曰何必如是言之景曾曰似當如是言之也弘胄曰渠若許之則仍及盧掠人遼送之事何如 上曰今日則必不許矣鳴吉曰今日豈許哉 上曰印事渠或曾見咨文則必為詰問矣當答曰文書當取信故用前目

所踏云云可也鳴吉曰當入此孤城每事未備紙地亦不
好故仍前用之云云何如上曰此亦無傷也退出上
更招鳴吉等曰其文書不無出城之事斷然拒之仍曰若
有志於保存則不當如此強責終不回心則只當有死而
已勿為酬酢可也僉曰唯唯退出景曾曰空石事問之
則送予捲戎廳分給而一五日空石六十立立少軍多前
捧者已弊或有造鞋着之者故不能遍給云云矣上曰
知道李弘胄等還來仍見弘胄曰臣等出去則渠言所
答之辭與渠書之意有異受之不可故還為來給此外更
無他言臣則曰吾意亦於國書箇箇言之此外無復可
為之言更不為他說話而還矣鳴吉曰渠受國書而後
所欲不復成故却之耶弘胄曰渠望更為國書而此後

則集復招之然後或可為也我則無可為之事鳴吉曰置之可也今日即來招之固知非好消息而畢竟如此未知此後欲何為乎誠不可測也弘胄曰久後必更來招之也暉曰臣察龍馬之意若為攻城則殺傷必多若欲持久則歸意忙迫必如是而後其功專歸龍馬之故若此矣上曰卿等固拒則麾却使去如前者為之乎鳴曰然且欲聞吾言雖絕猶久坐右相以為國書已盡更無他言云則使之入去矣上曰姑置之觀其所為可也鳴吉曰其漢處事周密出城之事難以言語爭故為此舉措矣弘胄曰此後雖非好事必來更招矣退出

丁丑正月二十二日

上在南漢山城司諫李命雄宣傳官柳德誠請對命

雄 啓曰苟可以緩禍者無所不用極而一向廢制因極
之外無復可言今者 東殿以因極之事下令 上曰何
言耶臣不忍出口當此之時賊之所請者出城与斥和人
出送事也臣當初雖不參斥和之論而若於其時在朝則
必為斥和之人豈有獨生之理乎出城之斷不可從則賊
必知之臣等若出而或可解圍則萬死無惜臣請出去緩
禍 上曰賊為不可成之事而為此言也設使意實如此
不可忍為况其意不止於此哉世子不言於予而為何言
也年少之兒無計慮如此矣命雄曰臣与同僚相議 啓
辭三事皆蒙 允矣一則曰不進之將依律事也一則軍
兵前進之事也一則戰船聚會事也今以 東殿下令來
詣政院見之則李義培以下失律之將令查覈而軍兵前

進之事則不為舉論此時諸將拘於和事而不為前進則
甚可慮也請以重爵募人出送使之追戰城下結陣於相
望之地則目今冰解之時正當退出之期此事不可不及
時分付也且諭於檢察使處戰船則聚於江都江舡則或
立防牌或設布帳聚於京江如何臣之此言實有深意蓋
欲達江都不可由陸路也江水之北門不過十五里由江
水下龍山淺灘不過三四處或者援兵進來則可以解圍
而下去設使聚會而不用亦何妨哉且此賊固不可犯江
都而或者付賊之人引而入去則事不可測我國戰舡
天下無敵縱使一船來泊其砲射之具足以萬全得達此
臣本意而必欲下諭者也上曰予亦知尔別意思也
然此事甚難成也命雄曰雖不得成有何所妨上曰言

于體臣亨吉曰外意以為此水淺灘甚多恐為無益而若
或見奔則反資賊用且戰船則器械雖備而不可用於此
江水上船則以烏合之衆立防牌布帳而下萬無得保之
理矣命雄曰上流船則聚於豆尾下流舡則聚於龍山設
使見奔亦何關哉臣意前進之事不可不申明下諭也
上曰此則前日亦已諭之今亦添入何妨逗留者論罪之
言亦促前進之意也命雄曰柳德誠亦以戰舡事請對矣
德誠曰臣茅在城上每承傳教晝夜感激思得一得仰
達天聰司諫先達臣無復可喻藩臣知四十日圍城之
急而不得入來者必為遮截而不得進也且賊勢橫行天
下其威甚盛故畏縮不進請出送多計慮武夫賜尚方劍
赦之曰藩臣若有前進者与之同力入來不進者以此劍

斬之使南北兵進駐檢山下三道兵駐於檢丹近處可陣
則江水已解為日亦久賊亦人也豈無畏心聚舡事司諫
已達之矣請與京圻水使上流船則聚於江上以版屋舡
載軍糧浮於豆尾則外援之兵可以繼糧矣且此處糧餉
亦將垂絕凡事豫則立不豫則敗芻糧卒絕則事有因絀
自我先為遮絕則京賊不敢來此賊亦狼狽於是乘夜縱
壯士三百名為左右伏兵而以中衛出擊則殿下可以
入舡賊既不料淺灘之可以行舡而且版屋賊夫不得穿
矣上曰甬之所見亦好矣命雄曰德誠之言暗合臣意
矣聞城中多有木手云請依臣所患而造一車若在可用
則仍造十五六事以試何如德誠曰文官則不能習步
不可送也臣當初足尚健欲為出姓久坐冰版十指凍裂

每拊足而慷慨則有二三武夫當出去矣 上曰有言不
無所見當更思之

丁丑正月二十二日

上在南漢山城 樞府金壽賢黃一皓林瑋請對壽賢等
追前密 啓黃一皓以為軍情已變事將同測請命守令
遣將盡為作闕以守堞者除送事也壽賢 啓曰自我以
為極盡之舉至於稱臣一節當觀勢為之而徑先自請為
之矣及今當剖析利害為害於龍胡馬胡兩將何如一皓
曰臣意欲大臣移書於龍馬曰前日已為極盡之事而終
不見請君臣上下更無可為故不得已為此背城一戰之
計設使全城陷沒於汝亦必死傷相當為汝計者亦未為
得也且我父兄百官雖死於此其子其孫皆在於外處皆

當血戰以報父兄之仇矣天道好生必有災殃汝不念及
于此手若此不已則它日所得滿城積屍而已於汝亦何
益哉似以利害動其心何如 上曰前日為此言者數矣
而實非實狀徒是空言只增其怒而已壽賢曰今者怒亦
無奈不怒亦無奈試為之何妨一皓曰不獨此也背城一
戰則豈無或勝之理哉有不可啗者則背城一戰與潰圍
馳出之中一者不可廢也渠亦豈不知之哉壽賢曰以言
語諭之何如亨吉曰言語不能相通借人已傳之其勢尤
難云矣壽賢曰非臣所欲如此也只陳所懷而已堽曰初
二日所送書答書過十三日而始來必往定於瀋陽而還
也其時必有停當而其將帥來此者必加一層言也一皓
曰臣所達固結軍第一事也柳德誠之所達選將士促援

兵亦甚好事也臣與林堞議此事則自願武夫亦多有之
當能激勵出送可知外兵存亡亦可以追前効力德誠之
言與臣所見略同請勿論高下職秩薦其可堪者何如
上曰不幸日亦甚寒一皓曰數日風雪病傷尤多退出
上招金塗崔鳴吉李聖求問曰守堞將官軍兵等傷於近
來風雪頗有怨苦云將官則差定遣將軍士慰悅之舉亦
欲加層此人之言何如塗曰近來甚寒日氣慮有凍死之
患問于各營則時無死者方今送酒醬救療甚寒者矣大
槩國家無力小賞不足以激其心或父母奴主間或有
願爵其父者或有願爵其主情願不一此則何以為之弘
胄曰守堞之卒雖曰濫賞不可不施也上曰軍士等言
復戶非所願免賤則逢杖於上典云云從前國家法令

不嚴故此屬不信如此矣今番事自送于各營事定之後
復戶之人守令不為舉行免賤之人厥主敢為侵責者使
其將官論報隨現治罪將官待闕充差邊將縱不得人人
授職出戰之人則卽除要處邊將開門之後使之赴任事
言之何如塗曰開良則給及第邊將則以可堪者差定何
如上曰及第則以首級給之我國人每事無公道將官
等多以為甲子丁卯有功奉承傳而尚未得一官云云
矣塗曰將官等其慾無窮而薦授之官未免用其所知故
多為此言矣上曰此豈可哉塗曰宗室豐川守者有勞
力自募守北曲城甚勤其意可嘉除堂上何如上曰最
為勤實守堞甚苦云除堂上可也鳴吉曰復戶之人至於
一萬三千除自願加秩免賤者外復戶五十結終身復戶

何如 上曰彼言何如塗曰終身復戶若失信則甚不可
加其年數限十五年何如鳴吉曰限二十年何闕 上曰
前日令於壯士中差出守令邊將矣時未舉行耶聖求曰
時無窠闕未及差出矣鳴吉曰作闕差除似好塗曰必除
守令邊將後可以慰矣鳴吉曰其中或有不願邊將之人
守令亦可作闕差除耶 上曰守令亦有武官差除處作
闕差出何妨鳴吉曰第守令少而將官多若未遍及則恐
有不均之怨也景曾曰然矣若以曾經守令能知人事者
差出守令則不知人事者亦以為彼且為之而我獨不得
相與為怨矣聖求曰今為事目解圍之後限一巡以次差
除不得以方外人擬望何如 上曰後日除拜時一以此
輩擬望可也然則各營為事目復戶免賤除職事明白知

委預為成冊景曾曰復戶免賤再三分付各營而不為赴
時送冊昨日更問則以掌隸院無卽廳之故不得為之云
若有卽廳則可以赴時報知而亦不舉行今日促之而後
始為差出矣且小臣亦經臚府從事官矣雖在平時無事
之日為從事官者不可不一日一往以聽分付而近來政
院或招從事而不為入來想退在共寓也入侍時左右
史例入而上番翰林至於三人只使下番入侍臣等累累
言之而獨不聽從名官如此則其他何言昨日都摠府卽
廳亦令與宣傳官同為摘奸而推諉不去極為寒心矣
上曰來此城中亦且怠慢則君臣分義豈可如此尤甚者
政院察啓可也景曾曰雖為入啓不過請推而已塗曰
然矣小臣從事或有分徃四營之事故不得赴時趨詣於

政院之招矣。近來任便各退其寓，而臣既不能杖之入，啓則不過推考而已。來此城中，尚亦如此。豈是人臣分義哉？臣每用開諭而恬不動念。大槩近來年少人風俗如此矣。塗曰：「昨日欲俟渠更來請之矣，更思之以共書兩件。」中不施一事故，退送則姑以一事可聽之意答送。何如？鳴吉曰：「昨日一事可從之言，臣等則未聞。而李希曾言分明言之，名相亦聞之矣。」弘胄曰：「果如是言之矣。」上曰：「然則昨日何以曰不聞耶？」塗曰：「李希曾分明聽之云：『以此見之，則二者答一則或有可望也。』」上曰：「宰相皆不得聞，何歟？」弘胄曰：「以臣所聞，不舉一件。若從之言，只言二事，皆不從。何以信之云矣？」鳴吉曰：「臣則不能紀得，而希曾如是言之。」臣試問臣等所言者，則歷歷言之，或多差誤而不失大旨。

臣等所言既不能一一記憶則彼之所言亦未必其的傳而大槩如是言之矣昨日不勝痛憤而來矣夜來更思之前日請為自新之書三往然後始答蓋以屢為往復而許之然後可以示恩故也成不成間更為書以送似可矣塗曰臣亦更思之不可置而不復也蓋斥和之事雖曰正義而到此患之誤國莫甚矣為其人者當為自首而尚無一人請出今日人心果為寒心臣於其時退伏在家不能詳知而聞洪翼漢最為先發云此人則當舉名為書以為曾以此罪斥送西路使當大軍當自其處處置云云何如臣與鳴吉議之則亦以為可而以當身一家之人故不敢出於自己手段云 國事至重何敢顧私弘胄曰何敢以一家之言而顧避哉但翼漢舉名事理如何且彼意實重初

件事也此事則必不以為閑重矣若使斥和之人皆詣奴
營謝過則好矣而既無一人自首則自 國家捉送事理
何如塗曰翼漢則不在城中故紓目前同塗之事耳聖求
曰所請二件一不從之不行權宜無復可為弘胄曰數日
間賊必更來姑待之何如鳴吉曰翼漢之疏臣於其時見
之措語雖正而大害於謀國不可謂之無罪而臣於其人
一家切親也若其所言果為悖惡則當以大義滅親也第
以其心則直其事則義人與豺狼不同出給之言發自臣
口則勢有難者臣以此意私語於金塗而塗之所達如此
矣苟利於 國身且不顧何可護私族耶大槩斥和之人
意則好矣主張之人必有定見而年少之人靡然為之宜
真有實見得而然耶到此地頭事機已急雖以古事言之

弱國之於強國實無所不至。燕之亡也，斬其子以獻宋之
亡也。仇胄當國，以為當誅秦檜、褒岳飛，其論則正矣。而及
大事不成而請和也，金人請誅仇胄，仇胄權臣也不能誅。
皇后通於史彌遠，斬之以送而一時以為快事，不以為非。
仇胄渠本小人，故人情快之矣。今日斥和之人，原非濁亂
朝廷，也不過激一時之義氣，與其事果不同矣。然渠若自
首請往，則好矣。而尚無一人自現，方外論者或以為如此，
則大失人心。將何以立國乎？或以為事有輕重，苟可以免
禍，則何必不為乎？二者之中，未知何者為得耶？塗曰：虜
從之人，縛送賊中，則人心不定，國不為國。在外之人，可以
書名送之也。弘胄曰：如此而可以解圍，則或可為之也。何
可必其果能解圍耶？上曰：此則決不可為也。塗曰：臣意

不可以空書往來而在外之人與 扈來者有異故竊幸
其萬一耳 上曰左相之病如何璽曰極重云矣鳴吉曰
休臣使臣製書渠若問其書意而每與其志不同則必不
受去何以為之弘胄曰與前日同則必不受去矣聖求曰
空言何必為之 上曰好待之鳴吉曰既稱皇帝則必為
自重臣則以為渠必不更來也弘胄曰知我不從則必為
更來矣鳴吉曰渠來弘濟院問斥和人姓名臣不言則渠
言以為書名以來當言之乎臣不為更問而來矣未知從
何處得聞也聖求曰自 上雖不忍出送在下之人可以
當之扈來之人雖不可出給姑在平安道之人比 國家
存亡輕重何如耶吾意不必 上達自下通於龍骨大可
也空書往來徒勞無益昨日答書已發端倪今則自下當

為講定也若空坐而待渠之更來則彼未必來請而笑閱
甚謬矣自 上雖以失人心壞國體為慮而在下之道苟
可以紓急者則何事不可為洪翼漢之罪實與景延廣之
謬國均矣隨後捉送之言何憚而不為乎塗曰明日則不
為文書耶鳴吉曰明日則不可不為文書也塗曰然則不
須更稟自下當為之也 上曰此事至重至難慘酷之事
也塗曰明日當送而今日脫藁則搆出之後論議紛紜臨
時製之可也聖求曰斥和一款彼之答之其辭誠難蓋彼
以斥和之人出給為重而我書以此人雖有罪而皇帝必
為矜恕為辭夷狄雖如禽獸使之勿送則甚無聊使之必
送則亦似難矣所以不答者蓋為此也出城一款有何難
答而不為乎鳴吉曰其計極巧 國書不答在渠則善息

之如此事何以料得也 上曰事事不則意在屠戮則攻城之後斥和之人箇箇釋出而必為先求者何意耶鳴吉曰其志若欲止此則主辱臣死乃分之常事臣子之死聖上之辱何可同年而語哉 上曰雖使出城必如是而後出則尤為有光故云云耶聖祖曰其書言於甫既歸之後朕不求索云者若給斥和者則不強出城意也弘胄曰此則不狀同時出城則查出之時必為擾亂云云之意也 上曰日氣甚寒退出

丁丑正月二十三日

上在南漢山城 都体府 啓曰昨日入侍時定奪守堞將士慰諭事目已為傳令知委天數日以來軍士寒凍頗有怨言不可不各別勸賞我國人情最以科舉為重今以稍待事定特設萬科之意預定極歌規矩令軍中通知以為聳動之舉何如 傳曰依啓又 啓曰清州儒生申枏自初入北暗門把守晝夜不離為國之心極為可嘉依守堞將官例實職除授事令該曹舉行何如 傳曰依啓執

義榮裕後司諫李命雄掌令黃一皓李厚源持平林埴獻納金履餘正言
金重鑑李時雨 啓曰臣等伏聞 王世子以同恤之情連日下令于宮官及師傅
諸臣云臣等聞來心胆具裂聚首吞聲不知所以為言 王世子雖至情所發而
何遽出此不忍聞之令耶自古有國家者雖萬分顛沛之時未聞以如此舉措
濟急而苟全也滿城生靈孰不為 世子死者言以國斃是可忍乎校虜變
詐百出前頭使价之往來或有意意外不測之語奉使之臣如不能明白痛絕以死
拒之請繩以無君不道之罪 答曰依啓大司諫金槩身病陳疏踏 啓序副
司果尹文舉上疏曰伏以臣父尹煌於上年八月身居諫職上劄論戰守之計無
陳和議不便今聞廟堂建啟請送斥和之臣以救 君父之急臣父呈疏自首請赴虜營
此臣子捐身報國之秋而第念臣父目不能視物已久又因落傷腰脚不運去邇之日輿
載隨 駕宿病脹症一時危劇委卧床席命在朝夕將不得運出寸地臣父死
國之義固無所辭而未至虜營先必顛隕人子同恤之懷亦何所不至哉臣請以

身代父出城以續其命伏願 天地父母曲察微臣同極
之情俾得代父出城以伸人子至情則臣死之日猶生之
年也况臣曾添言職論冬間送使之不當臣亦斥和之人
也伏願 聖慈更加憐察許令臣得遂至願 國家之幸
也臣不勝泣血慟迫之至 荅曰覽疏具悉予無此意爾
其千萬勿懼 藥房啓曰伏聞 聖候未寧而不為進藥
云臣等不勝悶迫冒死入達之意敢啓 荅曰今已得愈
何必入來乎 藥房提調金塗李聖求李行遠奉藥直入
上曰予若有病則豈不進藥乎金塗涕泣請 御上曰卿
誤知之矣予若病深則豈不飲藥乎塗泣曰此時玉體不
寧則無復可望臣敢死 天威入來以達 上曰病症各
異為杜門調理之病有飲藥之病予若有病則何以起坐

言語耶昨日適有惡寒之候故不能開窓使請對者不為
入來而夜間已愈何以知之而入來耶堊親奉藥枕以進
曰安有如此悶迫之事 上曰如是則聽聞亦不好何以
至此耶內官等迷甚使卿誤聞病愈而飲藥於聽聞亦不
好矣遂進御

丁丑正月二十四日

上在南漢山城 大司憲金壽賢行副提學李景奭執義
蔡裕後正言李時雨等上劄曰狡虜宸詐百出節節欺我
斥和之人一欺今雖許之可保其止此意乎 聖上慘痛
不忍之教孰不感泣當此危急同極主辱臣死之日苟可
以救 君父之禍誰惜一死如有忠義之士固當請以身
當之至於縛送之舉豈朝廷所可忍為哉斷無補於釋亂

而先自剪其手足投虎狼之口則適見其促亾其能國乎
況當初答虜之時旣曰斥逐此等人則今日差輕者查送
之言不但有前後異同虜之所求者首謀而并舉其差輕
者吁其亦慘矣請亟令廟堂改削措語以送 答曰依啓

丁丑正月二十五日

上在南漢山城 都休府 啓曰楊根鄉吏咸壽賢隨其
郡守入城被圍之後因官事出去旋卽冒死入來今又自
募出去將欲傳命於援兵其為志槩極可嘉尚本道以許
免鄉而 國家褒獎之道宜有別樣之舉今該曹守門將
除授仍付都元帥傳令出送宜當 傳曰依啓又 啓曰
卽刻守門將趙衍亦為自募欲與咸壽賢一時出去此時
傳命之事極重且急而趙衍自願冒死出去極為嘉尚六

品邊轉訓練主簿除授出送宜當 傳曰依啓 兵曹

啓曰科舉自下叅酌為之事 命下矣鉄箭二巡一中以

上烏銃一巡一中以上一技入格者并取宜當大臣之意

亦如此敢啓 傳曰依啓 都体府啓曰昨日守禦使所

屬西門力戰人負成冊來到令軍功廳論賞宜當且東西

西處戰傷垂死者所願問 啓事 傳教矣戰傷者九人

各有所願別書 啓令該曹採施而其中二人則自願許

科舉而重事勢難從自願為之亦令軍功廳酌施他賞且

一人則受傷極重不能言云 傳曰依啓

丁丑正月二十六日

上在南漢山城 都体府 啓曰戰士斬一級者許科事

事目啓下矣再昨東西力戰之士雖無獻馘之事其功不

營斬一級矣其中力戰軍士并為許科以為聲動之舉似
不可已今兩營大將詳查成冊憑考許科宜當傳曰依
啓又啓曰前虞候趙尚弼武無宣傳官去去夜巡邏西
城之際適值賊兵犯城與該堞軍士為先發覺督令防備
仍為馳告于政院其功甚重守禦使李時白以非管下之
人不得并錄於查報之中未蒙賞典人皆稱寃特陞堂上
似為宜當傳曰依啓兵曹啓曰前頭特設武科規
矩鉄箭二巡鳥銃一巡以上入格者并取事入啓蒙允矣
更為聞見則此規殊非輕歎云鉄箭三巡一中鳥銃二巡
一中以上一技入格者試取宜當大臣之意如此敢此仰
稟傳曰依啓大臣請對上曰軍士等開諭還送乎
塗曰小臣親出百端開諭而不為聽從時方與賊相持而

空堞不去極可慮也此賊已言極處而不為聽從軍情又
如此目前之禍甚急蓋軍兵等失其父母妻子凶極之情
寧有紀極成不成間不可不趁今日處之聖上雖不忍
為之臣等何以自處乎上曰何忍為此事塗曰此教
則臣不可奉承也歷考前史外賊不足言而輦下之變為
急矣上曰勿為如此之言景稷曰小臣涕泣開諭則有
一軍士頗不迷者以為古有何如君有請妻為妾身為臣
者今者不可不一決云云瑞鳳曰今日軍情甚於外賊不
可無權道也上曰渠輩言雖如是不必至此設使亂作
國家何忍為此事也其人輩斥和之論不過短慮而然也
有何可死之罪乎予不忍為之也塗曰初非有意於誤國
不過扶植名節而到此地頭何可無權寢乎瑞鳳曰有軍

兵一人言前年四月內若送使謝之豈有今日乎此言似有理矣塗曰此屬懷父母妻子之仇至於如此若自朝廷為其所脅而強從則於國体甚不可而到此萬分地頭何暇慮及後弊耶此屬言不復為戰云雖未知其言之必然而將帥方在堞上而任意下來諭之不從以軍律論之在所當斬而此時何以行軍法耶若曰國雖亡不可出給云則無如之何矣大臣三人皆在於此請下問而處之弘胄曰此實不忍為之事而大寇將生事有因極塗曰軍兵輩或云不必縛送奴中其人謀略過人知賊可討故斥和請以此人定將以戰云云其言尤凶矣景稷曰雖然從容開諭則可以知之矣塗曰只被甲之人一外無人聽從矣臣言四營雖各有將而都大將則我也汝若退去則吾當

自此查出云云猶不聽從矣 上曰都承旨出往開諭可也塗曰一等戰士則皆為下來事甚可慮 上安有如此寒心事乎塗曰軍情自再昨如此出給斥和人而無事與否臣亦不聽知也雖然不可不姑緩軍情以為守堞之地 上曰無罪士大夫安可忍送死地因泣下曰不能早死遭此凶極之事勢將無所不至殺一不辜而得天下仁者則不為驅無罪而就死地何忍為之乎塗曰渠輩從君父入城而遭此凶極之事殘忍何言 上曰以予為君父而從入孤城遭此凶極事此人何辜予不可忍体察使何不開諭耶塗曰小臣開諭無所不至賜酒與米以為慰悅之舉百端教諭竟不聽從許多軍兵既難嚴治開諭送之若往復來未知末梢如何也瑞鳳曰小臣亦從傍聞之体臣

開諭無所不至而軍情日激終不聽極為可問塗曰非徒
此也小臣願率武士何事不知渠輩以為斥和人出去則
必保無事雖加開諭不為信聽矣東門侍詔賊兵五百
餘人上望月寺對峯云上曰此時空城豈不可悶上
曰速出開諭還為入來塗曰唯出去李景稷入來啓
曰臣以傳教意開諭則還為退去矣上曰政承入來
耶曰今當還入矣而已塗入來上曰事已危急矣世子
入送之說渠既於當初言之今番亦云故世子請自出子
之於父情無所不至今日送入于彼諭以世子將出之意
如何塗曰彼之所望在於極處世子雖往固知無益
聖教雖如此臣等決不敢承也聖上以斥和之人出給
為難而以世子入送為易此心足使天意悔禍而世子

雖出決不可以了大事伏願更勿為此言也 上曰諭之而不答則不往何妨璽曰如此則彼必漸漸生心幸若自中有忙事而我之守城甚堅則或不無蒼天悔禍之理矣所為之事今已極盡若出此外不復可為 春宮孝誠至極從前每為 下令如此臣等不覺肝胆欲裂也 世子孝誠至極雖欲以身當之 聖上何忍為此言耶臣決不敢承當也 上曰何用為此言耶璽瑞鳳曰事機與當初不同今則決不止於此矣 上曰雖然更無他策試問如何璽曰若為佯許待 世子出去執持而更加一層則何以為之崔鳴吉自外入來 啓曰臣坐脩局見之軍士輩出門而立不為上堞未知都承旨何以開諭云耶賊兵方上望月峯而軍兵空堞不守何以為之此非 君上所

大臣當自為之不見馬嵬之變乎大臣之道不當如此也
瑞鳳請送承傳諭以與大臣定奪時為出送云云可也
鳴吉問塗曰所為之事何以為之塗曰未及發言矣鳴吉
曰事機已急何可如此上曰城陷而被執與世子出去
而被執何以異乎鳴吉曰此則聖教似當可以問之也
塗曰渠若佯許執世子而加層則何以為之鳴吉曰當受
盟約而後出去可也此時何時而可為虛文耶臣意當先
出斥和人及王世子出來之說問之可也此時何時而
可為虛文耶塗曰非敢虛文所慮者如上耳仍曰此時蔑
惜斥和人者無君者也鳴吉曰今日當以此二事問之左
相之病少愈請與左相及戶判何如上曰事已急矣試
往問之可矣景稷曰在此雖如是言而對彼則不能盡言

對二胡每曰專恃兩大臣云云馬夫大則非大臣也我加
一層則彼亦如一層是可問也瑞鳳曰小臣固知鳴吉之
言必為無益而自 上欲試問之臣當出往堅受其盟矣
退出 上謂鳴吉曰事已急矣言語當善為之鳴吉曰此
皆臣等之罪也金蓋國頗能善言故與之相議而慮大臣
或為虛文敢為入來矣當此之時苟可幸免則何事不可
為乎幸以得成則 宗社之福也不然則命也亦將如之
何哉退出 三司請對副提學李景奭大司諫朴演執義
蔡裕後景奭泣曰當此凶極之秋為臣子者唯當有一死
而已伏聞今日有凶極之 傳教云臣等何忍聞此言而
圖生乎臣等雖親自守堞所恃者 君父也孤城雖危尚
有數日之糧當能堅定 聖志則天意豈不悔禍賊情豈

不終懷今若自我徃徃請之則彼必加層矣裕後曰使价
徃來時不為利害之說唯一向哀乞而已如此而可以有
為乎大司憲金壽賢入來泣 啓曰聞有同極舉措云臣
等月望 君臣守義天人效順事雖危急何忍為此事
上曰事甚危急而無策可免不得已為之也今者當為
頡頏堅定約誓而為之矣諸意未知何如而目今事勢急
於呼吸矣潢曰雖然豈忍為此舉耶景奭曰天意豈不悔
禍乎望月峯傳語賊放天字銃而卽刻銃裂三胡卽死一
胡曳去云矣潢泣曰今日則姑以利害爭之可也何可忍
遽如是也裕後曰使百官皆死之後則事有不可知也豈
可勢止至此而出送 世子耶壽賢曰城尚未壞軍情尚
堅天心何可知耶 上曰何為如此迂濶之言耶城堞已

壞矣若從雲梯而上則何以為之景奭曰向日再戰渠已
氣挫姑為堅守設使价只言利害而已可也演曰 殿
下雖欲送世子觀今日軍情則決不得出去矣 上曰此
事似若虛事而子之於父無所不用其極與其等死試問
無妨攻城日急事已無柰此實等死之計也豈無故而為
之乎目今事勢有不忍見聞者此事細事也設或有萬一
之幸則亦豈終不還送乎不爾而國亡之後滿城魚肉則
何事可為耶僉曰此則自我取亡也 上曰非以謂適於
事理也與其等死寧為此計耳景奭曰天意不可知符堅
以百萬之兵一朝而敗亡倘能堅定 聖志則足以回天
矣頃日使价之往來不為明言利害輒加一層以至於此
此何等大事耶壽賢曰商人興販亦為操弄此事何事而

可以輕斷耶潢曰使臣已出矣若或徑言則無及矣請速
決言上曰卿等之言是矣目今存亡決於呼吸豈可束
手而無策耶糧餉不足論也而事皆不足論也軍兵等若
聞此言則尤無可為矣若堅定聖志固守以待則天心
豈不悔禍賊情豈終不悛自上先動則軍情亦喪矣
上曰子之為父無所不用其極軍情當感動而已豈至於
怒乎潢對曰世子之誠孝則果為至矣奉二君於孤
城日望其得全而遽見其徑赴賊陣則軍情何得不沮長
耶景奭曰此一款不可不刪去也上曰不為此一款則
當以何語措辭耶予亦宣不熟思勢已成燃眉之急不可
以常道論也前朝亦有送世子之時故渠亦捨開而請之
以此試問而觀其若或請之則幸矣不然則以死自守而

已演曰渠若退師而請之則或可為也仍此處而請之則無可為也 上曰然故使之顏頤觀其氣色矣何可輕易

為之耶景奭曰鳴吉則固為輕淺矣大臣何忍為此事耶

上曰大臣則皆以為不可以予為 宗社生靈出不得已

之舉也大臣何以知之事已到萬分危急矣予亦豈欲送之哉諸臣皆涕泣 上曰豈意今日見此同極之事乎景

奭曰請還召鳴吉去一款 上曰當中飭為亨吉曰察見

軍情無非為國之心而廷臣自為過慮矣壽賢曰軍情則

不為偶然曩者日遣承旨史官開諭被傷人近來以久無

此舉為欠蓋承 命而往者以城堞危險故或有不往而

送言傳之者云不可不申飭也演曰請 親招使臣言之

上曰當招而言之臺諫去後當言之仍命史官招使臣三

司退出承 傳色進曰大臣以下使臣皆以出去云矣亨
吉曰當勿為發端可也何可慎言而已矣 上曰已為出
去則還招不可矣亨吉曰想未及見將胡招之則可及也
上曰雖不見胡將已見伏兵矣虜人所見處還來似異矣
其人等皆以先成必不輕發置之可也事迫燃眉不可如
是愚之也亨吉曰東宮若出則事無可為臣民目見儲
君之赴敵則守城何為 上曰渠為父出去則不害於義
理而人子之至情也亨吉曰狀豈不如此如此而不為如
等則猶之可也詳察賊情必不止此而已小臣請出更論
三司 上曰承吉何為此迂闊之言耶目今事已危急此
時豈可為士論耶退出 三司伏庭 啓曰聞使臣已為
出去云其一欵勿為發端之意以密書 傳教令宜傳官

馳往傳之何如 荅曰仍書送之仍 傳曰宣傳官一人
待命騎一匹立之 金瑩請對 上出示使臣處書而如
是書送如何瑩曰 亦如是教送矣 上曰卿之所教与
此意同則不必送也瑩曰西門之事則不言矣 上曰姑
送之胡將若來則不傳可也景曾持以出 上曰胡將若
來則不傳之不及來則追往密傳可也瑩曰軍兵等臣開
諭以送而聞坐於不見處不為上堦云矣 上曰或有去
者乎全然不去乎曰全不去云云矣弘胄曰此屬言若給
斥和者則欲率去出戰云矣瑩曰聽其所言可知其計也
上曰豈有是理哉瑩曰都監軍士則京兵也雖不從命聽
言則恭而禦營軍一任無知突入 闕門不可說也 上
曰聞元斗杓落馬云無乃重傷耶瑩曰諸將之中最為勤

實而落馬重傷至於折齒云矣 上曰雖然足以察任耶
堊曰猶得察任矣 上曰軍兵等速為開諭送之堊曰招
之而不來送旗而不來無可奈何退出 上諭景曾曰東
邊力戰軍時方與賊相持雖不能盡查首功之人先為出
送事言于申景稷處景曾曰時方催促而其事不易昨見
守禦營所查則所謂首功出身軍士皆是庸野之人可見
其公正查出也且渠輩爭功不決以此不易云矣 李景
奭朴漢蔡裕後黃一皓以言 啓曰各營軍士處請送內
官慰諭使之堅守諸大臣處亦為知委使之慰撫將官則
別加存問以示慰獎之意 答曰當從更忍之改院 啓
曰守城將官頃日臣等入侍時以守令邊將中隨闕填差
勿以他人擬望事奉承 傳教而因督戰御史黃一皓之

言取考休府事目以守令遷將作闕除授已為宣諭將官等皆以預為除授事定後即為赴任知之云与臣所聞於榻前者有異何以為之敢稟 傳曰承旨不無所見議于休臣而處之洪瑞鳳等還來引見鳴吉曰前日渠言往犯江都而不為信之畢竟至此矣 上涕泣無語瑞鳳曰天下萬古安有如此寢禍 上出示海昌君等狀 啓瑞鳳曰年少之官則一時渡來老病大臣則留置而來云羅洽內官見臣含淚而已鳴吉曰渠言嬪殿以下極其禮待宰相家屬亦一處率來云矣 上曰見其軍圍城之語蓋不覺賊之渡來也其無詐慮如此耶大君處亦再三為書而不為信聽竟至於此雖有長江天險其如不防何鳴吉曰龍骨大之左右有小者二人挾坐大槩其人汗之左右也

龍骨大亦不能盡言而繁是牢拒之言也去歲之言皆是實語而不為信聽以至於此矣瑞鳳曰當初蓋發東宮之請其時若從則諸道生靈不至於此矣上曰勿言也其歲子息庶望脫禍而宰相等不為善處以至於此耶大槩其言恐喝耶誇張耶鳴吉曰一如前日之言且曰紅夷砲既已持來云上曰今日則不勝心亂明可入來也以尹昉等狀落景曾曰四人看署如出一手無乃拳罵耶上熟視曰似然矣景曾曰請招尹垣見之上曰招之垣入來亦不能詳知曰外着則似之而內着則不似矣退出大臣及崔鳴吉請對璽曰江都之事似若不近而考見狀落則所着之署分明偽造至於懷恩君之署亦為偽署耶聞大君書亦來云此則信然乎上曰大君之書則無疑

無也措語只言以和事出見云矣當初聞其出送本府軍
兵深以為慮畢竟到此想備虛疎而致此也狀 啓中無
李敏求等名無軍兵出他手 上曰予意則必在於奔避
故不入其中也塗曰不避則必戰亡也鄭之羽曰自 上
謂大君手跡則是也特予子婦諸叔諸兄弟及諸大臣一
家緣予不入江都尽被此禍安有如此因極之事乎仍泣
下曰前頭處置何以為之塗曰此奴兵力萬無可當之理
小臣方為主兵之官不可為此言而因其大砲城堞無完
軍兵已大衰矣 上曰勿言也不言可想前頭處置何以
為之今日之請庶幾緩禍而亦為掉頭云未知許將安出
瑞鳳曰犬羊之心其欲無窮而孤城之勢已至十分且其
新得江都驕心大生無復可為之勢矣小臣亦送九十老

母於江都矣今見此事方寸大亂實無息慮之可以仰達
而前頭之事不可不早定也若為遲回則禍辱因測矣塗
曰君臣上下同死社稷實是古人之格言而小臣之意君
臣父子之間不可忍為此事操縱之權在其掌握則處變
之道自我先定可也弘胄曰今日之言全不答之云斷自
宸衷然後事可為也臣子則不忍喻也鳴吉當此危急之
際何可為文具見汗之前書聞而差之今言則十分或有
四五分完全之望矣以此城之勢見之則十分之中十分
皆危當與大臣叅酌趁今日早決明日急通然後可有萬
一塗未知何如上曰予意若為見欺則無如此之辱勢
到窮迫寧欲自決而彼既率諸宮家以為大質予亦因知
所以為計也塗曰滿城為魚肉則宗社無復可望幸哉

緣此而繼續 宗社則幸莫大焉城雖危迫所恃者江都而江都至於此若不處憂則 宗社永絕矣 上曰萬姓之生靈亦重其外保累之許多人皆陷虎口予若徒懷一心則皆將盡為魚肉不得已當被羞辱也僉曰渠之文書及言語皆不為虛辭出城則半存半危不出則十分十亡上意如此則計較已定矣安知由此而為太平基業耶上曰前朝亦有出見云未知其勢如何而故事則有之矣瑞鳳曰前朝如此之後亦經過數百年矣鳴吉曰然則夜來為書何如塗曰當為書曰前書之言信如四時皇天后土必為監臨云云可也瑞鳳曰不可不速為之也 上曰事幾已急當舉汗之許我之書而製之可也鳴吉曰明日當為決斷乎先為國書定約而為之乎似當有表矣 上

曰何必為表瑩曰李弘胄死亦問之何如弘胄曰當斷自
聖表瑩曰公受國厚恩之人當此之則何以忍喻聖斷
字耶弘胄曰宗社大計臣將何識見何敢雜談乎鳴吉
曰事機已急矣小臣出去製書江都之言當及之于瑞鳳
曰小臣以言語致謝而來文書則不必舉也退出之羽
啓曰到此地頭更無可喻但如此之時所當尤為舉職而
翰林四人一不入侍極為駭愕請推考上曰依啓三
司請對俱慟哭奇賢曰明日將為不忍言之事云此言若
是則自生民以來安有如此回極之事乎景奭曰當南大
門命在頃刻而不料得入此城入城之後庶幾恢復而竟
至於此安有如此回極之事乎奇賢曰此事至重何可輕
易為之耶歷考前史出降犬羊而無事者有幾人哉上

曰予亦豈不知之此處其為相持之勢乎壽賢曰三軍之士氣尚不衰城中之糧足支數日明日出城之說此何言耶景奭曰兇謀詐計有不可測而前頭之事庶望萬一出之後則無復可為上曰予雖不言卿等豈不知之到此地頭若曰不知則真迂濶也初意此事決不可為惟欲背城一戰同死社稷而軍情已變事幾大異雖不可形容而可虞之端甚多日夜所望庶幾江都之得全而非徒予之子婦被拘百官族姓舉將係累而北若然則雖往地下將何面目耶壽賢曰下民雖為魚肉自上豈可出城上曰民為魚肉則獨生何為辛啓榮請對進曰東殿之行尚不可為豈可自上為此危事乎今日一往不得請而遽為此因極之計殿下雖發此言大臣何忍將順乎

臣等奉入孤城一望得全城中滿萬之卒若聞自 上親
出則豈不憤惋乎何不一戰而輕為此事乎寧一戰不勝
死是臣之所願也自古國君有出降犬羊而得全者乎
上曰予亦何所不忠到此地頭不可為虛言當觀此日之
實狀賊之攻城已經數日若使登城事有甚難予之羞辱
寧有極哉父兄百官滿城臣民若或得生則死亦無恨矣
李景憲請對進曰自 上為此不忍為之事則臣等何面
求活乎觀勢為之亦何晚乎 上曰凡事有時時不可失
進退有何利害与卿等入此城日夜唯望退賊還都而竟
至於此奈何奈何啓榮曰江都之事既不十分真的設使
真的 殿下何可輕出耶今日停當之事亦是不忍聞之
言況於此事乎一往不得請而遽為此回極之舉則為臣

子者苟活何為 上曰諸言是矣而攻城日急城堞將壞
城堞若壞事無可為矣漢曰到此地頭無復可為設為此
舉非今明可能為者且當先定都目然後可以為之壽賢
曰大臣處事節節皆誤到此同極之地大臣何敢如此耶
上曰此非大臣之所知予欲救城中同人及在外係累之
人而出此不得已之計也大諫為貧晝使豈不知形勢而
云爾乎壽賢曰出城而活人臣實未必也 上曰江都係
累渠雖言之而予亦不敢必也此地之人或可以得全也
予為君無狀使國事至此終使無辜之百官軍民盡為魚
肉安有如此同極之事乎言念及此百慮具灰景憲曰此
中士大夫之一家孰不往江都而事有大者何敢顧私以
遲數日不得已同死 社稷亦何關乎漢曰小臣惟望外

援之來庶幾得全而豈意遽至於此乎 上曰此地之事
已到十分地頭外方之事不須言也自古胡兵不習砲事
而今番則馬步夫砲不無皆備誠是難當之賊也中原雖
用大砲而未聞環城今始見之矣每看前史常切慷慨宣
意於予身而親見之哉漢曰彼雖犬羊不改約誓雖不得
已為之當為節次狀後庶有丰分之望矣 上曰此言是
矣當依為之諸臣皆痛哭而出李綱李敬輿調曰江都之
事不啻真贗而動於此言為此因極之許臣不知所達敬
輿曰二百年 宗社豈可一著輕決耶從前一層加一層
臣固知有此事以矣而 殿下既為臣民忘身而出城臣
良豈忍獨送 殿下於虎口而求活耶小臣於諸臣中最
為庸下而十年經幄絲毫無補緣有老母不得久侍而竟

遭此同極之憂固如朝廷大計不可以臣言定奪而為
宗社不勝同極歆一望 天顏喻所懷而出矣明日出城
則臣當死於鋒鏑之下矣第 殿下其如青城之辱何哉
涕泣而出亨吉曰朴漢之言出於無可柰何而必有節次
之說甚不幸中有憂則尤為為請定為節次 上曰大臣
招之亨吉曰無史官矣 上曰史官何往亨吉曰俞以
其父母在江都故心亂出去矣金瑬李弘胄崔鳴吉製書
後引見 上曰胡將之言仔細未聞難從之事一款何以
答之耶鳴吉曰今日則不為多言只言江華之事且曰吾
之征都時亦曾預告而不為聽信竟至於此云云矣 上
曰世子出來之說言之則不為加層之言乎鳴吉曰渠言
國王不出則決不可從云矣 上曰大司諫朴漢以為若

不得已許出文書不可無端焉之當以言語許出先為講
定而追送文書其言不無所見矣鳴吉曰小臣之意亦然
矣上曰姑除文書以言語講定而追送文書者不無所
見予意備五條件與此大臣相為盟誓事及解圍之後
家屬還送事及被虜男女留置事并為講定何如堊曰此
則非所論也因請曰臺諫所言未知何事臺諫之言亦是
矣而臣之所望亦在復得立國耳臣精神昏耗曾見汗書
而今忘之矣狀其人本不為偽言而書辭之丁寧到此實
為可恃處矣上曰何可恃乎朴漢所言似有節次當以
汝若此則吾亦如此之意先為講定為得也堊曰臣意亦
如是矣上曰今日不言汗之歸期乎鳴吉曰臣聞之則
其言近當還歸而的期不遠矣且言語講定亦可矣國書

亦不可不為臣意當以書諭之曰若如前言則當為出城
不狀則只有自決而已以此之意為書如何 上曰予不
知其可也渠既如是言之何必更問塗曰然則當早去也
上曰何必早去明日往見而再明日出城有何妨乎鳴吉
曰李植之意則以為汗必不來其書必偽金蓋國則以為
當其小也可以急擊勿失不狀則添兵當至及其添兵兵
至則以為和事決不可成至於今日則以為當有庶幾之
望而及其出往見之後則以為汗書果真其所見若是則
豈偶狀哉蓋國則以為汗必來矣弘胄曰汗若來則當必
止此若假汗出來則尤為難處之事矣 上曰三臣勘定
文書仍曰出往後即為解圍之意可以及之意矣且彼若
許盟誓則先為受盟後送文書可也鳴吉曰所謂盟誓者

臣等與私盟也非可為文字者也 上曰雖私盟何必不為文字塗曰必指天然後可信渠之最所畏者天也退出

丁丑正月二十七日

上在南漢山城 傳于李行遠曰租三石赤豆一石太一石綾原大君家賜給體察使 啓曰訓練主簿徐欣男三度出入能通內外群息其為功勞不可不各別論賞以為激勵之地敢 啓 傳曰依啓又 啓曰京畿六邑守令所率下人入城之後拾石春正之後晝夜使喚其功勞不少依他例限年復戶宜當敢啓 傳曰依啓 傳于李行遠曰鄭廣敬來此聞喪云喪服次必未易得令該曹本官覓給

朝鮮國王臣謹上書于大清國寬溫仁聖皇帝陛下臣於

本月二十日欽奉聖旨節該今尔固守孤城見朕手詔責
切方知悔罪朕開宏度許爾自新命爾出城面朕者一則
見尔誠心說朕一則樹恩於尔復以立國旋師後不仁信
於天下耳朕承天眷撫定四方欲赦尔前愆以為南朝標
榜若以詭詐取尔天下之大能盡譎詐取之乎是自絕來
歸之路矣臣自承^聖旨益感天地容覆之大德歸附之心益
切予中而猶省臣切罪積丘山非不知陛下恩信明著綏
綏之降皇天是臨猶惧惶怖累日徘徊坐積逋慢之誅今
聞陛下旋駕有日若不早自趨詣仰觀龍光則微誠莫伸
追悔何及第唯臣方欲以三百年宗社數千里生靈仰
托於陛下情理誠為可矜若或事有參差不如引釵自裁
之為愈矣伏願聖慈俯鑑血忱明降詔旨以開臣安心歸

命之路謹昧死以聞副提學李景奭工曹叅議羅萬甲執
義李命雄請對景奭泣曰所欲啓達者甚多而不得種
種出入矣自上已定出城之舉世子隨往則城中尤
無所仰未知何以處之萬甲曰小臣前所達亦慮為此
事也自上雖出世子則姑留城中待彼強請然後出去
似未晚也命雄曰臣長在堞上嘗未得与於朝議矣今聞
大殿世子偕出与否時未停當云或者以為西宮不可
相離而臣意則不然人君与家人父子兄弟恩情不同矣
雖一朝一時世子當為撫軍監國之事何可并出耶小
臣方添僚官而為此言迹涉謀免罪當萬死然何可顧此
而不言乎觀城上士卒之心極為可嘉若聖上出城則
軍情當知其得全而必世子留此然後可以有所恃矣

世子雖不并出渠豈以為怒小臣不勝同極敢為來達請
於未出前堅定約束何如既出之後使渠停當則將無所
不至而後已矣且以小臣臆見渠既有志於天下當為樹
息之地而至於解圍則必不易也去夜見得被虜士人問
之府庫財物皆封閉云想其計不為解圍而迫令還都也
既與之為一家則雖見犬羊不可不誠信若於渠之所見
處則泰然還都渠必信我矣軍情亦定矣我 國於皇明
有不可負之恩渠亦知之此等事亦令大臣熟講而後送
人何如 上曰不無所見當令大臣議之且此等言語皆
明日所謂之言非今日所當說也萬甲曰固知有大臣在
而蒼黃之中或為漏落李命雄所達之言皆臣等所與相
識者也命雄曰文書節目為第一件事廟堂或不無疎漏

處請令三司長官見之則恐不無所益也 上曰自前別
無隱諱之事各為聞見如有懷言之可也崔鳴吉製 國
書入來講定而進遣李弘胄金蓋國崔鳴吉如虜陣 上
招李景曾曰望月峯臺觸於大砲休城將壞云今當直為
諭我國於汝無所不從而何用如此相厄耶請自今停止
以示相信之意事使使臣言于胡將景曾 啓曰前杞平
君俞伯曾前檢閱金弘郁請叙用以脩從官 上曰依啓
敬曾曰區區之意只望守城而今者事機已變出城之外
更無他策使臣之輩今此還歸矣若定於明日出城則倉
卒之間事多窘急滿萬之軍潰散可慮而 侍衛之人亦
未及分定矣且老病之人有可往者有不堪往者并令休
府兵曹分付何如 春宮若不相接則其留置與否不可

預料陪從之人亦為預定然後無臨時窘迫之患夫八路
命令相通之事亦令体臣趁今日未亂前而為之上曰
世子之事渠未發言八路命令亦為不急出去之後亦可
為之但出城時所帶朝官將官似當預為議定也且軍兵
則別無同往之理矣敬曾曰若為擾動則何以為之上
曰体察使以下皆留在世子亦於予還來後當為出去有
何擾動之事乎出去時帶去人則今日議于大臣從簡預
定可也李弘胄等還自賊所引見弘胄曰臣傳國書則
渠答曰當初即為此事則豈不好哉今以後兩國可得無
事矣鳴吉曰臣言專恃皇帝勅書及大臣之言而欲為出
來矣但臣下之心以冒出兵前為惧云則答云爾雖過慮
如此吾將示信於天下寧有此理云云國書中語意要

欲受其約誓者渠以為疑訝臣曰某日來于某處事當依
皇旨故取稟之言也渠答云當以其意歸報云矣上曰
書中所不言之事何以輕言也只當言出城之意而已此
言則重事也何以問此不當問耶弘胄曰臣以定出城此
後當無兵戈相爭之事自今日停戰以示信意事依有旨
言之則答云當白于皇帝矣鳴吉曰斥和人事前書雖及
之而不為停當矣今日渠問誤兩國者捉送事何以為之
臣以前意言之曰首謀者方在平壤其外則斥出在外若
干附會和同之人則不為加罪陪入於此矣若從不送則
皇帝必以我無誠信故今方查覈當追後為國書以送
云云矣上曰渠何以答之鳴吉曰臣起來時言斥和人
與我志不同矣但此人等其罪有可恕者本意不過以三

百年服事 明朝不可遽負故也今既為大清之臣則當
移忠於大朝矣比之女人當初拒之者為有貞節矣三人
喧笑答云知得矣似有解釋之色矣 上曰胡人所謂不
識不可以辭色測之也其果有一分其實之狀耶弘胄曰
自前每言雖為出城萬無奉去之理何不計生靈之命而
固守嚴穴云矣今日則言此後兩國可保無事矣嗚吉曰
何可知也但所望者汗書明白從前此漢不為無形之偽
言是足少恃而何可取信乎 上曰戶判所見何如蓋國
曰到此地頭不得已而為之也彼賊雖不可測而必為奉
去亦不可知也必不奉去亦不可測也若有指天為誓之
舉則或可信也聞其攻中原也祖大受是有名大將而即
為放逐其外亦多如此云想其手段則非細瑣者也弘胄

曰其氣色甚喜使臣等速去以報云云 上曰如是而輕
先問期若使明日出來則節目皆未講定何以為之蓋國
曰聞譯官有持家莊八來者云以重價相約而受其錦段
以為禮物何如 上曰然矣依為之將胡幾名來乎弘胄
曰三人來矣 上曰其一為誰弘胄曰前所未見者矣
上曰馬大夫亦來耶曰龍骨大出來其二人則前所未見
之人而坐於龍胡之上極其淨秀渠等言善為屬文云似
是汗左右貴臣也蓋國曰渠等即不降層則別無宣力之
事而若問若賂贈給之說則何以為之鳴吉曰江都失守
故事不得成矣 上曰出外休息若出城則節目間事令
大臣相議分付矣速為定奪可也 使臣李弘胄金蓋國
崔鳴吉等請 對弘胄等曰將出去矣出外議之不為

國書則又有一節難事當直為國書云何以為之蓋因
曰直為國書見其所答然後可知其約誓今若只以言
語往復則龍骨大無自斷之事直為文書得其答書可也
若以言語講定而又加一層則事幾已急賊情難測矣
上曰文書果愈於言語乎蓋國弘曾曰以言往傳則龍胡
所言不過如昨日而已鳴吉曰昨日勘定之文書蓋國以
為不分明請改之何如上曰然則改之可也弘曾曰若
為出城相接則當會見於何處事亦為問之上曰答書
來後問之未晚也非今日所當問也三臣者出上問敬
曾曰徐欣男獨為八來耶對曰臣等未及聞也退出

丁丑正月二十八日

上在南漢山城都休察使
啓曰內弓人李天繼金景

信崔一男等扈從入城之後破弓修改之役晝夜盡心
功勞可嘉令軍功廳施賞何如傳曰依啓溫嬪王子翁
主等處醬一釜鹽一石賜給醬一釜鹽一石內八
朝鮮國王臣謹上書于大清國寬溫仁聖皇帝陛下小邦
曾有一種浮議頗能壞謠國事上年秋浚臣摘其中尤甚
者若干人并為斥黜而首唱臺諫一人當天兵到境時差
平壤庶尹督令卽目前進或為兵前所獲或從間道赴任
俱未得知之今在此城中者雖或有雷同和附之罪比前
被斥者則輕重相懸然伏見前日詔旨實出恩愛小邦之
至意臣若終始持難則恐陛下未察本國事情疑臣有所
容隱臣之誠心向順之意將無以自白故查得二人送詣
軍前以俟處分謹昧死以聞寬溫仁聖皇帝詔諭朝鮮國

王來奏具述二十日之詔旨且慶詐宗社生靈有明旨開安心歸命之請者疑朕食言也然朕素推誠不特前言必踐併與以後日之維新今盡釋前罪詳定規例以為君臣世守之信義也尔若悔過自新不忘恩德委身歸命以為子孫長久之計則將明朝所與之誥命冊印獻納請罪絕其交往去其年號一應文移奉戎正朔尔以長子及再一子為質諸大臣有子者以子為質無子者以弟為質萬一爾有不虞則朕立質子嗣位朕若征明朝降詔遣使調爾步騎舟師或數萬或刻期會處不得有誤朕今回兵攻取檄爾可發船五十隻各兵鎗砲弓箭俱宜自備大兵將回宜獻犒軍之禮具聖朝正朔冬至中宮千秋太子千秋及慶吊等事俱預獻禮命大臣及內官奉表以來其

所進表箋程式降詔勅或有事遣使傳諭爾與使臣相見
或以陪臣謁見及迎送饋使之禮毋違明朝舊例軍中俘
係自過鴨綠江後若有逃回者執送本主若欲贖還後聽
從本主之便蓋我兵戰死俘獲之人爾後毋得以不悉結
送為辭也與內外諸臣締結婚媾以固和好新舊城垣不
許繕築爾國所有冗良哈人俱當刷送日本貿易聽爾如
舊但雷導其使者赴朝朕亦將遣使至彼也其東邊兀良
哈避居於彼者不得復為貿易若見之便當執送爾以旣
死之身朕復生之全爾垂亡之宗社完爾已失之妻孥爾
當念國家再造異日子子孫孫毋違信義邦家永奠矣朕
因爾國狡詐反覆故茲教示崇德二年正月二十八日
朝金塗洪瑞鳳李弘霄請 對金塗曰事至此極臣等之

罪萬死難贖今日所講者 大駕出城後東宮可以留後
而今日之權皆在於彼若請西宮并出則文武百官亦必
使之皆出事必不如自此所講者矣 上曰世子在此無
大段有關事彼念并出則不必爭阻矣金瑬曰彼若更加
一款則難矣 上曰彼不言并出則何必先發乎若或有
問宜答以獨出而欲使并出則不必爭阻矣 上曰世子
並出則此城誰守乎金瑬曰若然則空城難守所難處者
軍卒也 上曰此何難處乎不出城前彼無解圍之理未
解圍前又無撤軍之舉散出則有何難處者乎瑬曰古有
全師解甲之時彼若欲如此則奈何 上曰此其次也徐
徐亦可為之洪瑞鳳曰彼必欲如此也金瑬曰雖難預度
必先定奪可以隨時處之矣斥和人今日當送而人皆掩

護不肯直指雖屢度查覈而亦不得知之也彼以首謀敗
盟者為言則前春論奏之人可以當之其後峻論者亦宜
自當而今此自首者外前春言事之人亦非止三既不知
其輕其重又何能取捨乎臣等之意其時三司與今日自
首者皆為起送則彼必悅其多送而以為畏其威而有此
舉也洪瑞鳳曰當時臣亦忝在大臣之位而不能鎮定浮
忘之論致有今日誤國臣烏得免乎金塗曰其時兩司則
掌令洪翼漢持平李行遇洪瑑亦為正言而李行遇則不
然於是論云李景曾曰洪瑑則其時以山陵郎廳與臣
同在山陵至四月而乃歸義名云云之批乃秋間事
也上曰多送而彼若容恕則幸矣不然則奈何金塗曰
臣等固難取捨雖使此許不成亦無奈何也李弘胄曰若

詳其時之三司則似好矣而不能詳知也金塗曰其時王
堂則金壽益鄭雷卿也上曰國之在城中者若干也士

大夫家屬則絕無僅有而守禦使家屬亦在城中空城之
後如有搶掠之患則何以處之金塗曰臣意則以為必無
是患而亦何以知之乎上曰許多軍卒不無入城劫掠

之患必有禁令然後可防此患左相今日出去時丁寧言
約何如上曰斥和人出送事宜以首謀者在外故乃送

其次為言而彼若容恕則幸矣若有念外之事則何以為
之金塗曰若送一二人則必不得免為多送似可矣上

曰二三人為言而多送人則得無有免脫之路矣金塗曰
彼非庸劣者豈有盡殺之理乎多送則或不死而只送一

二人則必不得免也上曰左右相意則如何李弘胄曰

前春言事之人查出無路今如願相之言則不無容恕之
望也洪瑞鳳曰李聖求言首謀者外無緊重人之意彼亦
已知今若多送必免於死云此言頗有理也 上曰然則
依為之二更引見願相金塗左相洪瑞鳳右相李弘胄戶
判金蓋國入 侍上曰見此文書多有不欲見之辭矣金
塗曰徐或有弛張之道而節節有難處事也 上曰多有
不忍為之事安有如此因極者乎 上問洪瑞鳳曰大臣
往彼時為何所言乎對曰文書之外多有言說也 上曰
未知何言耶對曰乃是獻寶攻島等說話也 上曰此外
復有何言耶金蓋國曰彼乃辟左右密語皆是節目間事
也又於當晦日欲為相會而相見之時汗將越來于此既
見之後欲使 上八處都城汗則初二日回軍入去云而

一枝兵則已取路北方而送以一路芻糧之不多而然也
全羅道所送軍兵為取攻島時舡資而初二日亦當來會
于此云云且城中士大夫家屬勿掠事言及時彼乃大笑
曰既好之後安有如此事乎云矣洪瑞鳳曰彼中所為甚
是機密不得詳知也 上曰彼雖云好意而多有難處之
事何以為之金蓋國曰豈曰好意哉事已至此亦無奈何
也所最難者自 上出城時中原所賜冊寶使之持來欲
易以其新而此後用兵時有命勿拒云此甚難處事也洪
瑞鳳曰不得已而乃有此舉此間安有屈伸者乎金蓋國
出見時節次聞彼言則眼色欲令以微服矣臣言曰 國
王見皇帝乃是大事豈宜微服如是埋沒威儀傘蓋亦不
可無之云則曰不可矣皇帝前豈可張蓋侍衛則為之無

妨古人或有面縛者或有戴香者或有衣弊衣出降者此
乃有罪而謝過也豈可以正服出乎指臣所著衣而言曰
以此色衣出來為當云而又曰不聽帝之分付當待命處
之而其時禮節自此導之云云此必中原人所教也臣又
謂曰如此臨時必有急遽之患先自設幄於外預講禮節
俾無顛倒之患何如云則曰無妨云云而出 幸道路則
自西門出來云云矣 上曰崔鳴吉在何處耶洪瑞鳳曰
斥和人明朝送之而使崔鳴吉率來矣 上曰崔鳴吉安
在得無有病乎洪瑞鳳曰明日當早往故有病不能入來
矣金蓋國曰臣言于彼曰自 上出城後仍入都城則無
船不可渡何以為之云則曰淺灘豈難渡涉云矣彼又言
回軍之時有例事云此則必欲得贈物也丁卯時亦有軍

兵各贈之事今亦必如此而國之所恃唯江都京都不
皆既蕩盡無可得之路以此言之則曰何必急速云云且
曰彼虜人至義州逃去者則無可奈何入去後逃來者宜
即執送而如有願贖者則亦當聽許云矣上曰此事當
何以處之耶金塗曰到此因極之頭不知所達也上曰
有此難從之言而其可甘心受之耶洪瑞鳳曰稱臣奉朔
之後則更無可為之事今日之勢少無以兵力擊却之路
亦將奈何哉稱臣稱妾自古亦有此乃時屈之致也夷狄
本來兇狡而中原之人又為協助故其節目之煩密如此
此後之事在朝廷卜理而已金塗曰卜理之舉不可速意
之則必不好也洪瑞鳳曰印寶則出城時不可不持去也
金塗曰當初下臣字時既知有如此豈復有輕重於其間

哉為 宗社有此舉措脫有他虞則更無立國之望今日之事不可遠越也 上曰只用正朔則或可矣其奈於徵兵何哉塗曰目前切急之事無過於此也其他則姑徐為之亦可也洪瑞鳳曰目前之急莫若此也雖然既已服事之後利害奚暇顧哉彼之所欲在於砲射必為其精銳者也 上曰此事何以答之對曰此事不可輕議退與朝廷相議處之然而今日之權都在於彼勢難爭阻也 上曰予若不出則姑為容默而退兵之後可以徐處矣出見之時彼若以此為問則豈不重難乎洪瑞鳳曰彼若只言改實則可以與之榷島一事甚是難處當與朝廷相議也 上曰廣加商議明朝入來可也遂退出 尹集吳連濟將赴敵營辭 朝引見 上曰尔等識見雖淺薄原其情事

本非誤國而今日竟至於此古今天下寧有是事耶因知
所以為言也仍泣下嗚咽集曰當此之時苟有利於國
家縱萬死而無惜殿下何用區區若此乎上曰尔等
以予為君從入孤城而事至於此予將何以為之耶達濟
曰臣等不能自死常以為恨今得死所有何憾乎上曰
古今天下寧有此事耶嗚咽不能成聲達濟曰臣等雖出
大駕若不出則臣等死生實不足關而但以大駕出城
為同極焉古人有言曰得寒病五日不汗死矣為臣子者
不死於此時則將焉用哉上曰尔等意欲使君臣守正
而事至於此予不得自由尔等其有父母妻子耶集曰臣
則有三子而俱往南陽矣今聞府使逢賊淪沒云不能知
其死生也達濟曰臣則有八十老母時無子女方有腹中

兒矣 上曰慘矣因嗚咽不堪集曰臣等出去矣 殿下
若與東殿而偕出則城中潰散之患極為可慮伏望留東
殿在此勿為偕出何如 上曰將往死地而猶為憂國之
言耶見爾無罪而就死予之情事可忍言哉出城之後予
之死生亦不可必也倘或萬一得生則爾之老親妻子當
十分顧恤焉初未知爾等之有老親矣親年幾何爾年幾
何達濟曰母年戊辰生臣年戊申生也集曰臣則早失父
母只有祖母今年七十七歲而臣年丁未生也 上曰國
家存亡固不可必而倘或得延則當十分顧恤矣達萬古
所無之事至於此哉二臣拜辭 上曰姑坐仍令內官饋
酒之羽曰使臣已為出門促之矣 上曰何用如是忙迫
也廟堂之事不可知也二臣畢飲請曰時刻晚矣請出

上泣曰為國珍重倘或僥倖生還其喜當如何達濟曰臣
為國就死必無所恨退出

丁丑正月二十九日

上在南漢山城下諭于平安監司洪命耆兵使柳琳黃
海監司李培元兵使李碩達曰皇帝方今旋駕監兵及一
路各官山城把守將官各率軍民拜謁于路側牛隻米石
隨力供進大同清川義州昌城西路渡涉處舡隻預先整
齊以待諭平安監司洪命耆曰平壤庶尹洪翼漢上年
春初首陳斥和之疏以致今日兵禍皇帝有縛送之命而
此人上年十二月十二日改本職除授十三日辭朝下去
清兵塞路雖未知得達与否如在本城即為綁送平壤以
待皇帝處分備邊司啓曰訓鍊大將申景禎今改兵

曹判書除授大將似當循例改差而此時大將之任適易
不便使之兼察宜當敢啓 傳曰依啓又 啓曰江都週
亂士大夫家屬有陷沒之奇其他諸處週亂之被虜者亦
不知其幾矣曹判書崔鳴吉與龍馬兩將相接時觀勢善
為措辭而請之則或有推遷之路以此圖之地意敢啓
傳曰依啓士民男女亦令周旋兵曹 啓曰扈從軍士復
戶除舊事 命下矣復戶五年除舊二年當似為得宜敢
啓 傳曰依啓領議政金瑬左議政洪瑞鳳右議政李弘
胄伏以臣等誤國之罪萬死猶輕而冒陳於蒼黃危急之
際第 王世子方有絕域之行大臣一人當為陪從人臣
分義雖顛仆道路不可辭避而臣等俱以老病自量筋力
決無支堪之勢假銜以送非徒有關事體彼人實無不知

之理伏乞 聖明勿拘常規并命錫通臣等之職急授年
富才德俱全人望所屬之人俾免宸廑迫顛倒之患不勝幸
甚 答曰省劉具悉事勢果如此右相李弘胄姑為遞改
以李聖求為右相平明金塗李弘胄崔鳴吉請對 上命
入寢內密語承旨史官在外語密不敢記 上命李景稷
曰今日之言非是闕重勿書於史冊可也 上曰目前之
急印寶與楸島事也崔鳴吉曰印寶第為持去曰嚴威所
迫不得不姑持來而 祖宗所傳之舊物不忍一朝而磨
滅願之祖廟而改受新寶云則彼或為然矣 上曰百官
不可渡灘今日之去必有舟楫事可也崔鳴吉曰昨已言
之矣今日亦當為請為崔鳴吉曰斥和人今使李英達送
之而酬酢事必須停當而去不知何以則可也語密不能

記崔鳴吉與體府中軍李英達押斥和人尹集吳達濟縛
至虜營而歸 上引見崔鳴吉復命招頌訖改金塗崔鳴
吉曰船隻整齊事今日出往時請之則彼乃請許也 上
曰彼必欲使予以率百官軍兵者是何意歟對曰今日見
之則彼軍屯結於三田渡汗將親自越來云我國則百官
皆從彼則匹馬渡來必為埋沒故所以如此者必欲備儀
物而見之而接待之際亦不無難便故以此欲為之簡略
臣之所料或以為如此也且臣言于龍馬曰 國王出城
時預為出來八處歇幕以為寢服而行禮則未知如何云
則彼不為爭詰臣之愚意皇帝未來前 大駕先為出去
似可矣 上曰何時出來云平日時早晚不為定之耶對
曰臣聞 國王當何時出來云則曰今日宰臣出來時

出來無妨云厥後不為此言須於日出後出去無妨矣崔
鳴吉曰禁止入城事言予龍將則乃曰既為一家之後安
有此理云云仍饋以酒食長檣十餘持往帝之所在處問
之則乃衣櫝也乃出貂裘二襲一以與李英達一以贈臣
使之三拜叩頭此必見君臣之禮也乃言曰得此黑貂裘
此非美事乎使之着此裘仍見斥和人蓋欲以此為誇也
且臣在外時言于斥和人曰若有問則宜答以職在館閣
故雖或附會而首唱則寃問云云矣至詰問之時乃曰送
使時只抗疏而斥和則不主云此乃妄發也初意必重治
此人矣出來時顧見則乃着冠結帶也上曰此必欲活
之也崔鳴吉曰平安道大同清川昌城等處整飭濟涉事
乃各處山城路傍且以米石為犒軍等事使之急速有

旨而又定宣傳官四人與彼人四五者偕送云云矣上
曰其為支待之說乎對曰只責牛米而不至多責也上
曰隨所得為之無妨崔鳴吉曰明日必早往如此事宜急
定奪而監司在外峽路不知何以為之上謂金瑬曰彼
欲只率五百而來者此何故耶對曰必厭我人故也崔鳴
吉曰如此則必不成樣矣金瑬曰西殿衛士及牽馬位
亦不下數百文武百官各率一奴則亦滿一二百都監砲
手禁軍亦可以萬數而又有內官為必欲抄五百則甚難
也崔鳴吉曰彼之所以簡略者欲使我亦然也又曰在城
百官皆欲速見其家舍皇帝越去後使之勿禁往來事以
此為請何如上曰如此不關事何至苟且為請乎隨駕
士大夫則使吏兵曹抄名定送可也但我國人輕淺躁急

不無生事之患是可慮也 上曰禮物必如其所言則亦
何以支乎此外因極者攻島等事也崔鳴吉曰見皇帝時
以此為請曰皇帝之命雖不可違逆而臣事之處以兵相
加實所不忍以此為言則未知何如 上曰彼不開端則
自此先發亦所不可也崔鳴吉曰彼乃牢落人也豈肯先
發乎 上曰自此不言之事彼何肯無端發也金瑬曰到
此之後惟其命是從更無奈何也崔鳴吉曰犒事亦為甚
急而臣未及思不得言請也又曰出城後罷城撥立似當
金瑬曰然 上曰使城上之軍皆坐於城底不為越見則
似可矣崔鳴吉曰江華一行使之一時來到而以為交付
云云矣 上曰必預為置之而如是為言矣崔鳴吉曰舉
動須於日出後為之 上曰氣甚不平差晚欲出崔鳴吉

曰使內官往于龍胡處言以修掃宮闕而先為入送則何如彼雖見之既無軍器必不為疑上曰好矣金塗曰謝恩使不允當入往其時大臣當往也崔鳴吉曰金大德何如但甚老病也金塗曰見其議論乃是老實人也上曰重臣一人送之可也金塗曰李德洞可合而亦甚年老也崔鳴吉曰南以雄韓汝稷何如金塗曰南以雄則可合而但甚崇飲也崔鳴吉曰宰臣必須善擇也金塗曰遍閱官案而不得其人也上曰此外不復送之手對曰又送長者一人使彼知我之尊重可也上曰南以雄雖嗜酒而才則有之耶崔鳴吉曰不知其才之純備而用意於國事者也金塗曰軀隻整齊事平安監兵使及黃海兵使處可以急速分付矣上曰依為之金塗曰彼行則當疾行

而監司在山城必不及傳令此可問也且路邊各邑使出待而人民亦還入何如上曰民物入處則不可矣金蓋國朴潢請對傳曰有秘密事乎不然則令承傳啓達蓋國啓曰禮筭事常時不可無而但明日則是謝過之舉禮筭事似當持往而亦不無不受之理臣意初二日似當有慕華館接送之事此時贈給禮筭何如潢曰伏聞本城只留李時白而申景禎具宏等皆當隨駕云我國之師本統領雖各有將難保其不散況西殿皆出大將隨往則軍兵豈有獨在之理敵兵未退先為潰散則事極可虞申景禎等私情雖重此事所關亦非細也臣意体察使亦不必隨駕留陣諸軍慰安軍情待初二日敵退之後使之領入京城鄉兵則自此罷送仍定試日開諭安慰何

如事機重大不得不達伏願自上特降有旨於諸將
諭以此意何如景曾啓曰守禦使李時白在信地不得
下來今以休府面議事來到而其意亦如質畫之意欲為
請對請招致總外探其所言則何如且鄭蘊自刎為李濱
所求餘命僅存金尚憲屢次結項而為其子所救而病勢
亦重并將落後請命廣州收使給饌救療答蓋國曰
所啓依矣但解圍之後不可猝辦預為措置答演曰軍
情豈有不耐一二日之在此而分援之理乎謂景曾曰李
時白使之八來上使之八房問曰卿之傷處何如曰其
日中臂而不至大傷矣上曰卿與士卒同甘苦絕不下
來長坐張幕予甚嘉歎仍問頃日西暗門合戰時白對
之如當日所報仍曰當初實不圖有今日矣幸而得保今

將脫出實宗社再安之秋也此後若能十分惕念則安
知此為復興之基耶上曰使國事至此者予之過也得

免於亡則士大夫之功也時白詳陳西暗門合戰形勢曰
臣方第其上中下而幕夜之事不能詳知只以臣所覩者
謂之力戰游軍伏堦而射者謂之助戰蓋助戰未必非力
戰力戰或不及助戰者矣力戰助戰則請一体施賞援軍
則降等行賞分二等論賞何如上曰承旨聞之耶依此
言施賞可也時白曰他處軍情則不敢知也以臣管下軍
情見之則無欲速賞之意請還都之後從容查覈設科事
亦於還都後舉行上曰依為之今夕欲施賞而不均則
不如不為還都後即為舉行可也時白曰然則當釀酒犒
饋乎上曰還都後釀酒犒饋以示慰撫之舉時白近緣

夜甚寒軍士露立耐苦久矣放軍之時点於球上仍查逃
軍何如 上曰此言是矣若無端放送則不知某某為逃
軍此事不可不細查也具宏申景禎等予欲率去卿當代
領其衆細加查覈聞卿之言最為有理矣鄉兵則解圍之
後卽為放送力戰之人則別成軍子可也且當令大臣一
人留後卿典共議為之人言予若出城而大將又出則軍
兵必潰云此則不然予雖出去軍兵無久留之理解圍之
後卽當放送雖以利害言之萬無潰散之理而年以文官
過生疑慮未知此言如何耶時白曰軍情不然失其父母
妻子者無不凶極使 大駕既出之後卽為解圍則猶可
待也今者敵陣之夜火如故若 大駕既出而各其大將
又皆隨去則無統之軍雖三四結黨軍器官輟及士大夫

之落後者無以得全小臣亦豈欲落後者哉事勢如此不敢請從姑留諸將及大臣使之鎮定在所不已也 殿下方駐之時此屬逃走者不死於軍律則當死於敵兵而為且相繼而逃去則人之云云豈無見哉臣意解圍之後今四大將齊坐聚軍教諭放送可也 上曰軍情亦必欲無弊歸去寧有若此之理設使有若干惡人豈可人人如此耶景曾曰体察以下皆為扈去則無以鎮之矣蓋渠屬屢日孤城不知父母妻子之所在處一日如年若未及解圍而一時潰散則甚可慮也 上曰賊兵未解渠烏得出去乎時白白知賊既和之後則必不殺也 上曰豈不耐一日如此乎予意則必不如此矣景曾曰景禎則掌京兵具宏則主鄉兵鄉兵則稍為淳矣請留申景禎只令具宏扈

駕上命招體察使時白曰今此水原軍兵嘗敵既熟而

受恩最厚且近京都矣外方之軍則以今觀之誠虛事

也此軍兵仍為褒獎私奴則免賤良人除職仍為作隊別

加名號則百勝精抄軍矣上曰其言是矣金瑬入來

上曰李時白言大將既率軍入來則不可置軍而先出當

於解圍之後鄉兵則即為放送京兵領來云此言於事体

亦當未知何如瑬曰若使軍兵守堞則諸將固不可先出

也西殿既出之後更無可為之事豈不耐一二之在此

而自犯於軍律乎年以文官等過為意外之慮矣諸將等

皆是殿下親近之人殿下既脫身獨入於兵前則

將何敢送殿下而坐此乎上曰予意亦然而文官等

皆為過慮從前近功之軍卒豈不耐一日之留此而自犯

逃軍之律耶不得已則右相曾經都元帥之任尚且康寧
以右相留城都体察使塗曰前日江都出來時亦以李光
庭為留都体察使矣今亦依此例無妨矣上曰守禦之
牙兵矣何耶卿亦只帶軍官二人其餘則皆附于中營
營軍官及排謀之人亦為除出使滿五百名以實中衛可
也且逃軍之律不施則軍法不嚴矣李時白請罷軍之時
略為犒軍仍查逃卒此言甚善不可不著實舉行也塗曰
世子之行侍講院翔衛司當全數陪往耶上曰侍講院
官負之數幾何景曾曰并兼官十八人矣上曰何可盡
往從略卒去可也塗曰然則當除老病及有故者耶上
曰如此則取捨之際必為紛亂全數扈去可也塗曰大臣
當為陪去宰臣二人亦當年少之人宜選未知大臣誰可

往者洪瑞鳳雖知其母之生存而情勢切迫李弘胄氣力
雖堪小臣當為陪往而方亦有所掌事何以為之 上曰
假銜送之塗曰世子之行以假銜送之事體未安而原任
中無可往者臣意李聖求當為卜相使之陪去何如 上
曰似好矣其人真實隨其心之所發而言之不為瞻前顧
後之態真可人也塗曰然矣今番典之同事計慮亦不易
得之人也 上曰各營軍官收為中衛事赴此從容時舉
行仍 問曰中軍為誰塗曰李英達為之此人足以當此
任矣 上曰大臣事當更思之宰臣當以年少人擇送出
典廟堂訖定搞軍亦令李時白次知舉行仍謂時白曰卿
言最有計慮當與諸將同議逃軍查出事卿可專管為之
罷出 上命招諸將申景禎具宏八對 上泣曰不能早

死遭此因極之憂諸將涕泣寬譬曰此皆臣等之罪也

上曰李時白言逃軍查出事此言極為有理今審若不查出則後日將無以統領矣俞曰上教至當宏曰逃軍亦不多以小臣所領者見之元軍六千而逃者六名矣今審軍卒有不可堪者而堅守城堞終不離心極為可嘉臣放軍為城外巡邏而水原軍一人白晝投虜矣後日乘好馬着新衣來呼於城下曰我則投降而得如許榮好爾等何苦空守城堞飽更飢寒乎若此者誠極痛心而諸卒聞之莫不憤罵無一歆羨者誠為可嘉也上曰諸文官等言明日大將先出則軍士必潰去此言然耶諸將曰豈有此理臣等曾已開諭曰明日兩殿當出城若率軍兵則必為敵人所怪大將等亦不獨送兩殿不得已當扈往汝

茅姑留二日解圍之後追來云云則軍兵初以無限財帛
知之而今則既已知限故無不惟唯豈有不耐一二日之
在此而自犯於軍律使前功歸虛耶上曰然夫宏曰軍
情果難禁也再昨連二日下來要得斥和人也臣不能制
之以威而百端開諭或托食飯或請暫休或托受料而公
然下來煩訴於闕下矣上曰何以不能禁抑耶若為
開諭則至於此乎宏曰臣等非不十分開諭而渠等誤聞
若給斥和人則當為解圍云故紛紛如此矣且江都之事
臣實憂之而畢竟至此矣上曰入去之人不能善處
至於此矣宏曰雖為善處江都之兵只一千六百以此
當此敵乎上曰其軍又除六百出送其計慮之短如此
安得無敗宏曰觀其火砲誠不可當也雖令全軍守之自

師來集固不可當也景禎詳達向日望月峯相戰形勢
曰堞卒久經飢寒坐立冰版今至五十餘日而無一人
者敵兵每以誑誘而有憤無歆頃日之戰自夜竟夕而
一人退立大砲三日九集如雨女牆盡壞無以藏身而
無惧色爭欲一戰其志誠可賞也上曰奇哉聞東城
犯之時亦為如此云矣城堞盡壞耶曰或有全壞處矣
上曰我國之軍亦足以戰也今番之事古亦罕有矣戰
亡之人別為開錄恤典舉行事千萬勿泛對曰并皆詳錄無
有落漏矣宏請曰敵兵之陷江都也乘夜潛襲乎上曰
必乘夜入去故不覺其至也曰檢察使副使留亦皆不在
狀啓中此則何耶上曰只城中人為狀啓此人等則
夜在城外也宏曰不為殺掠云必大君出見故志在欲和

而然也 上曰殺掠則切不為之云矣景禎曰今者諸路
之得全者惟西南興威鏡道也 上曰全羅道之得全亦
不可必矣咸鏡道分路以往云必不得完全慶尚道亦必
被兵矣景禎曰以今觀之汗來之說似不虛矣宏曰汗若
親來則其兵必不下四五萬矣諸道援兵一不得來豈無
所以而然耶景禎曰外兵豈有逗遛之理耶嶺南之兵亦
敗於殲嶺殲嶺距此僅二十里此則非不進也乃不得進
也 上曰都監之軍鍊習有素矣聞鄉兵亦出砲樓而相
戰云極是貴事也景禎曰勿論都監與鄉兵人無不欲
至有脫衣相戰者今番之軍甚是不易事也二臣者出
講院請對黃一皓李命雄等進謁外以草記取稟 上曰
末端軍官帶寧事文去其餘依路一皓曰或有時急往

事則軍官有關矣 上曰翊衛司官負以武官交差而
傳官亦當陪往何慮傳命之無人乎退出 上謂承旨曰
符驗當給尚瑞院乎當持去乎景曾曰雖持去似無意
之患 上曰或不無見失之患當令廣州牧使夜間無
時親自潛埋改院草冊亦為同埋千萬秘之退出

丁丑正月三十日

上在南漢山城 李景曾 啓曰牽馬位等服飾皆黃色
彼若見之曰皇帝衣黃而此輩何以着此云云則何以為
之 上曰笠則仍着衣則搜以黑色可也未明尹暉引見
上曰龍胡必來卿欲往待之乎對曰彼來後下去則似涉
未妥也 上曰既來之後可以出往矣必先往乎對曰自
此下去之路甚險且遠不可不先往矣 上曰待天明下

去宜矣對曰當如下教也上曰彼若來到不宜使久

坐待其來近下去宜矣且接話時宜言予之病患曰近以

傷寒久不見瘳左足又傷不能行步尊前行禮不無失儀

之患結帳於外使之休息云可也上曰都承旨亦有所

言者李景曾曰士大夫家屬事也上曰又有一言矣李

景曾曰京都往來事也上謂尹暉曰若成文標往來勿

則可以出入此事言之為可對曰唯惟尹暉曰江都之事

未知如何自上以為信乎上曰以予有所疑耶對曰

然上曰予則不疑以為信然也尹暉曰無柰羅業或

出來而被捉耶上曰其事少無所疑矣昨日崔鳴吉

去時文書中有印寶攻島歲幣等云云之說所答辭定

而去耶鳴吉之所答殊極未盡卿則非如大臣比對而

以朦朧推委於朝廷可也上曰舟楫整齊人與先運
送人一時挈去言于龍將出送可也對曰謹奉教

曰彼之所以欲使我小率百官軍兵者此何意耶尹暉
必以接待為難故也上曰予病如此畏寒不可蚤往
若促之則宜蚤出不然差晚方出矣先送設幕者預先
設事言于伏兵而送之

上自南漢山城還都御昌慶宮清人使出城時侍衛之人
并僕母過五百人故上只率侍從臣五十餘負辰時由
西門出城王世子從之百官落後者排立於西門內槌
胸哭踊日光無色上下山班荆地坐而已清兵甲冑者
數百人分左右馳來上曰此何為耶景稷曰此所謂延
達也使价往時亦為如是矣良久龍骨大馬夫大馳來

上離坐起立與之再揖分東西而坐龍骨等致慰 上答
曰前日之過不須盡言而今日之事專恃皇帝之言與兩
大人之宣力矣龍骨大曰今而後兩國為一家生靈可保
無事矣日已晚矣請速去遂馳馬前導 上追至故廣
州前龍骨大令除侍臣等落後 上只率三公五卿六承
旨翰注各一人 王世子率侍講院翊衛司前進至碑石
前望見皇帝設壇於麻田浦上張黃屋而坐甲冑而帶弓
劔者為方陣而擁立旌旄劔戟森列四周張樂鼓吹略微
華制龍骨大等下馬 上亦下馬坐碑石下龍骨大等
入報而已出來先導而行 上步從至陣外龍骨大等
殿下於東作門外 上三拜叩頭龍骨大等八報出傳
前日之事欲言則長勇決出來深用喜幸 上答曰天

因極龍骨大等仍入由東作門外以入設席於壇下北
請上就席清人臚唱上復三拜叩頭龍骨大仍出
東作門而出更由東北隅而入使地坐於壇東大君以
自江都被執列立於壇下少西矣而已龍骨大等以皇
言請上登壇皇帝南面而坐上坐東北上西面而坐
清王子三人以次連坐王世子又坐其下并西面而坐
清王子三人坐西北上東面而坐鳳林麟坪二大君連坐
於其下我國侍臣給席於埀下東隅江都被執之臣使坐
於壇下西隅進茶一盃而已皇帝遽起壇下而溺上亦
起下壇出休於埀外東隅皇帝還坐埀上請上復入以
次而坐使龍骨大告我諸大臣曰兩國為一家矣欲觀射
藝其各效技諸從官荅曰來此者皆文官故不能射藝矣

龍骨大固請遂令衛率鄭以重出射而弓矢與本國之制
不同故五射而俱不中清王子及諸將雜踏并射以為妙
戲俄而進饌行酒盃盤以次降殺而上前盃盤與皇帝
杯盤一樣蓋尊敬而優異之也酒三行命撤將撤有從胡
二人各牽大狗至皇帝前皇帝親自割肉授之犬前肉未
墜地犬輒取食渠等以為妙戲二胡牽狗而下俄而上
請辭降冊由壇之後從西北隅而出嬪宮以下士大夫家
屬之被執者皆聚於一處矣上地坐田中龍骨大等以
皇帝言請嬪宮以下大君夫人出拜觀者洒泣上
坐西南隅龍骨大等以皇帝言牽白馬具玲瓏鞍出贈
上親執轡從臣受之而已龍骨大等持豹裘出來以皇
言傳曰此物當初欲為相贈而持來矣今見本國衣製

此不同非敢強使着之也直欲表情而已 上受而着

入庭伏謝遂使都承旨李景稷賚國寶以進龍骨大受

而去俄而來問曰誥命玉冊則何以不納耶 上曰玉

則曾於甲子年間有送臣之亂已失之誥命則今舊之

送于江華兵戈顛倒之時難必其得保与否而若或得保

則不難追後以納也龍骨大唯惟而入而已持豹裘一

招隣坪大君而着之又持三領而出招三公着之又持六

領而出招五卿着之禮判金尚憲即又持五領而出招五

丞旨着之左副承旨韓興一則謂之曰奉主上勤勞於山

城故敢以相贈矣大君以下受賜之人亦各入庭伏謝洪

瑞鳳張維八伏于庭請得審見老母蓋以老母金匱屎噉

訶而出送 上地坐田上待其進退酉時量始命 還都

王世子及嬪宮及鳳林大君暨鳳林大君夫人并令留置
蓋將使之北行也 上辭退入嬪宮幕次與之相見由松
坡津乘船而渡江時津卒死亡殆盡只有二隻空舡泊于
江渚百官爭渡至攀 御衣而上舡 上既渡江皇帝隨
後馳來由淺灘而渡就桑田帳幕龍骨大等率護行軍兵
挾路左右導 上而行被虜子女望見號泣皆曰吾 君
吾 君捨我而去乎挾路悲號者已萬數至箭串橋日
昏黑矣初更量始達京城 御昌慶宮養和堂 于時
兵酋滿都城鹵掠如前而但不入闕門內故百官扈老
皆處闕內 政院王堂問 安 答曰知道 王世子
嬪宮及鳳林大君皆留陣中故侍講院朔衛司諸官皆
侍吏曹判書崔鳴吉亦落後留 侍

扈從錄

願議政金 塗

典籍金始著

參奉魚尚偽

左議政洪瑞鳳

趙珩

承博鄭之益

右議政李弘胄

閔應恢

司祿盧尚儀

綾城君具宏

修撰金慶餘

前叅奉俞亨吉

平城君申景禎

樂正宋時吉

及第金善英

韓平君李慶全

導正南斗瞻

成權呂渭老

新豐君張維

前判官 德復

校正韓光昌

春城君南以雄

通禮李光春

俞正金 過

左叅贊韓汝稷

兵佐鄭翼卿

安

吏判 崔鳴吉

前正言李 綢

判官李 順

完豐君李 曙

弘校李時楷

監察金東俊

兵判李聖求

金壽益

衛率權 沆

戶判金蓋國

金益熙

司禦徐貞履

刑判沈諱

副修李尚馨

許瀾

提學李安訥

鄭雷卿

鄭諤

知事李德洞

工佐羅茂松

鄭好信

禮判金尚憲

前言申悅道

主簿崔渾

前判書沈悅

前正洪恕

別坐柳允昌

永安尉洪柱元

前牧使洪憲

引儀田仁溥

東昌尉權大恒

刑佐元海一

主簿李彭壽

吉城尉權大任

監察尹世任

李元龍

東陽尉申翊聖

輔德林堧

金成烈

吏叅鄭蘊

司書徐祥履

司果許槌

兵叅李時白

直講鄭致和

僉正李仁傳

工叅尹毅立

前佐郎李行遇

李安認

大司憲金壽賢

前都事許浚

引儀申浚

都承旨鄭廣敬

前佐郎石之衍

韓益謙

大提學李植

持平林瑋

林就聘

大司成尹墀

廉友恭

朴尚喆

提學李景奭

掌令李厚源

李公雲

南陽君洪振道

李行健

別坐羅尚聚

護軍洪燾

戶佐尹得悅

主簿梁棟

鄭斗源

邊吉

李仁復

完川君崔來吉

前正李祗先

洪翼聖

杞平君俞伯曾

前司義李廷奎

金正立

前叅判尹暉

通禮朴以廷

洪斯立

護軍李景稷

監察金瑋

卽廳尹蕪善

同知洪霽

正言趙壽益

別坐李詳慶

畿伯李溟

禮佐成楚密

引儀李琳

同知尹履之

前縣監金養誠

訓僉金存尚

前叅判朴朋搏

司又尹順之

卽廳閔真亮

戶叅金光炫

前正趙鏐

梁應謫

延川君李景嚴

都事琴是調

刑正鄭就道

同義禁閔馨男

前佐曹文秀

引儀金自晦

咸綾君李澥

校理尹集

李仁男

左尹南以恭

前庶尹李尚籲

器判李菴

右尹金大德

典籍朴亨邁

卽廳李敏學

刑叅李 榮

前正郎李明溥

李慶瑞

完陵君柳 坡

司成申敏一

金漢一

訓都正韓好卿

奉主南達遠

恭奉邊命益

前叅判尹 昕

刑佐柳筆先

別坐卞跡元

司果尹就之

從事尹善男

都事黃 典

平原君李 澤

禮佐李惟達

郎廳李 濟

完寧君李應明

前監察尹 敕

典籤俞是曾

同知睦長欽

庶尹金 需

郎腰崔敬吉

吏議李敬興

察訪許 淮

監察趙 試

禮議金尚重

前察訪朴 漂

別坐沈 暄

兵議鄭基廣

朴 筭

判官尹應之

刑議李景憲

前佐郎朴守文

監察尹益元

大司諫金 槃

典籍任資之

直長安由慎

前叅判尹 煌

注書李道長

奉事李圭男

承旨崔 荇

直長廬峻命

直長崔文漢

李行遠

假注書金 振

別坐權 勳

李景曾

柳 浚

監役韓 懋

前承旨閔應協

前待教李 檜

師傅宋時烈

提學金著國

待教李之恒

教官黃德柔

前府使韓亨吉

檢閱金弘郁

都事李潤身

鄭之羽

俞 檄

李幼泗

御中軍黃 緝

成博金 槽

崔克誠

護軍姜善餘

說書俞 榮

柳志和

前丞旨崔惠吉

丞正金履櫟

監役任誨之

前府使卞三近

承正李克仁

直長金志

前丞旨辛啓榮

直長李彬

習讀李思新

前叅議羅萬甲

校博李回實

主簿徐弘履

護軍李樹元

察訪李有溫

都事李廷望

李義溥

校正元籃

朴受應

睦叙欽

校理金寅

李建喆

李久澄

學正崔夢旭

朴安行

安士誠

判官宋嶸

前縣監金興祖

柳恒

都事金忠淹

監役韓必震

前牧使韓明勛

李涇

趙沃

權慄

主簿金炯

奉事金得宗

鄭承澤

別坐韓杞

金會宗

都正李挺漢

引儀鄭尚義

直長廬弘器

前叅議朴 潢

別坐李命益

叅奉成震復

叅知李尚伋

主簿朴泰元

前縣監申 灌

執義蔡裕後

金壽昌

前正郎李碩基

吏佐尹 坵

具 櫛

監察權以亮

戶佐洪 瑒

市令姜 煇

正郎金光燦

兵正宋錫胤

引儀李日新

金 頴

洪柱一

監察朴隨亨

副率李弘淵

兵佐李時樸

敎官尹 檄

洗馬鄭之悰

南老星

奉事李必謙

司果尹孝男

前佐李 穆

監役金 鉞

直長申 涓

刑佐崔繼勲

別坐徐後績

奉事南 磔

前執義李命雄

別坐朴純義

直長柳忠傑

前正言李時雨

直長南錫

奉事崔東彥

前司書尹文舉

監役許櫓

別坐金謹行

典籍韓涵

前縣監申易示

直長邊孝誠

司又黃一皓

校正崔尚崙

副奉事閔光焜

前司書嚴鼎耆

叅奉朴弘護

別坐李英賢

正言金重鎰

直長李三俊

叅奉尹潢

司書李應蕃

學諭尹誠

直長李時尚

禮正金克恒

承著作趙績

主簿李馨益

司又許啓

承權知李哲

前縣監韓文斗

典籍申濡

許博

卽廳朴省孚

宋克賢

前學諭李鄘

前佐卽韓必明

前縣監李光弼

前司評金須永

前都事俞善曾

前主簿李泰震

前縣監鄭翰

金大厦

金守億

前叅奉沈先洙

引儀李俊

前都事安廷燮

前經歷梁漢

前引儀李修林

前訓曹弼舜

叅奉金以冉

李璫

司果尹商俊

金瓚

江都錄

丙子十二月十六日義州府尹林慶業馳啓來十三日平安兵使柳琳
狀啓來十四日都元帥金自黜狀啓賊兵已到鳳山急於疾星朝野大震
判尹金慶徵為檢察使委以江都保障之任上問體察使金湜曰卿子
可堪此任乎對曰慶徵無他才能全於捍守冒敢不盡心力乎於是以前
提學李敏求副之平朝命原任大臣尹昉金尚容禮判趙翼參判呂甬
徵正郎崔持愚宗廟令閔光勳直長李義遵奉事呂甬弘社稷令閔
析參奉池鳳遂柳頊奉社行鳳林麟坪西大君奉嬪宮淑儀一時發行
西大君夫人及諸宮人駙馬公主王孫隨行四宰朴東亮判府事鄭光績判書
李尚吉同知鄭孝誠以老病宰相先行承旨韓興一以嬪宮侍奉亦行前掌令
鄭百亨奉正趙希進兵佐朴宗阜承正鄭泰齊林博學諭尹長監察李
德傳柳益慶弼善尹炅翊贊姜清賢前參議沈濬校理尹鳴殷修撰李

一相前都事奇晚獻知事邊級直講邊復一皆未及扈從追後隨入趙
翼頓棄奉京社之命私自避亂於大富島中是日午後 上率春宮出行
纔到南門賊鋒已迫度不得建江都經行南漢城命沈完遠為留都大將城
中士女顛倒奔波老弱徒跣顛仆冰雪橫沸哇呼自東門出者由楊廣依險
而行入于關東或轉回顧南自南門出者由仁川南陽遵海而行入于島中轉向湖
南呼飢呼渴烏鰐魚賊子失其父妻失其夫骨肉相牽奴僕散亡瘴風毒雪
舉無人色而大駕越出山城突騎直向城下以此人皆脫走遠遁江都在海中
負險人皆爭投入而檢使金慶徵只發數隻小船視其親踈渡之尋常凡民
不得渡墳官到津頭不得渡上下內人晝一夜凍餒幾死墳官親出
疾拜大呼曰慶徵汝豈忍為此留守張紳言於慶徵始得渡之墳
官入江都慶徵家屬已滿城中安頓有日矣二十四日聞通津等地避亂
士女及洛中士庶奔竄遍野疾呼求濟慶徵不許渡涉津路斷

絕俄而賊騎馳到一瞥之間蹂躪擄掠或投江水或被驅擁如風掃葉慘不忍言大駕出城之日命戶部官許稚任善伯留護本曹物貨賊兵充斥之後許任等盡則避伏於白岳夜則還宿於本曹凡七晝夜賊勢大熾後與留都大將及叅議南跣相議常平倉銀子一萬二千餘兩本曹紬絹青布等物乘夜運登白岳山谷拈出輜重五十餘駄運送江都使任善伯領往人皆謂江都天險賊不能飛渡由是晏然無虞肆情自娛大臣瘦弱不能節制帥臣驕抗傲體使軍事皆矛盾大小機務玩愒度日度徵興徵求從容談詠縱情盃酒一番狀啓不通山城至尊親犯矢石觸冒風雪而徵求度徵燠室重裘飲澤寒之酒至尊半菽蕪菁食無甘味而度徵厭飫珍鮮有終日之飽慷慨忠憤之士陳嘉言則充耳異聞謂之迂言每揚言曰父為都體兒為都檢察為國家辦大事非吾父子而誰進士沈澹世尹宣舉等呈書拜罪責之曰新胆即事盃酒非時而度徵終不輒動念自此人皆懷憤亂將萌

矣甲串以下燕尾以北曾無一人持杖者聞三南勤王兵皆憤欲死敏求從海道出收拾慶徵曰吾不可一日無君不許金尚容坐備局招慶徵曰汝之年歲今幾何安敢乃爾慶徵慍而退投印于地曰此事非吾所知敏求遂不自安慶徵曰令公即往無疑敏求乃搜大艦載家屬將行金相聞之曰安有率妻子副察使乎若輩今往徒求飽於列邑往之不若不往之為愈也敏求竟不往自賊中回走人來告賊多取三江木版又撤屋材或造者皮船或造童車其意蓋在江都也慶徵曰江水尚堅豈能陸地行船乎正月二十日通津假衛金題奔告慶徵賊以駱駝童車載船已至甲串津頭夜水將渡矣慶徵始有惧色使從事官李一相朴宗阜等分付把守之策火藥鐵丸等物量數登簿又使戶部官教料甲串倉積不為開庫在域中從容散料人皆怪之翌日高三丈後緩之出域軍士皆空拳人謂體府軍器積如山以待今日之用更待何時乎慶徵曰此事詭乃父親積年勤苦所辦何敢擅用乎

皆大笑使韓興一鄭百亨率城中避亂人分扼要害燕尾之西曲星德府使李程
洞守之燕尾之比間城留守韓仁及都事洪建守之甲庫以下僉知俞省曾守之
仙源以下全昌君柳廷亮守之廣城以下海岸尉守之韓興一鄭百亨任善百
等各率家僮望南門上懷恩君錦林君等率諸宗親坐東門上閤光勳呂
爾弼等略于朝士坐西門上北門則人數不廷不得守之事之急遽人皆憤惋舍長江
天塹之險欲使白面空拳保守彈丸一城其能濟乎賊兵屯聚越邊以紅夷大炮
亂放如雷聲震天地慶徵敏求惶恟不知所為避坐倉舍之底軍心散亂不復
統緒者皮艇數隻載賊十餘人泛之中流慶徵未言于政丞前曰城中事虛疎
吾當入城守計任善伯告于大君曰長江天塹舍此何之國之存亡在此一舉大將
還入則不但軍心沮喪亦若潰散檢察使不可入城大君以為然顧慶徵曰令公不
可去任善伯又曰賊艇飛渡我國適滿潮退難於運用吳如鋪陣於鎮海樓
狹隘處大張天砲期於血戰驅出城中軍卒皆用糧府軍器專力於津頭處

上張姓人亦力贊之大居曰戶部之言是矣我當走馬入城軍民軍兵躬自領來將此意急告慶徵、聞之、俄而賊船飛渡一手搖櫓張紳領舟師自廣城乘潮上表至甲申馬場潮退不能進將走江都武人具一元在水船大呼請戰紳不聽具乃投江而死忠清水使姜晉所撐船來戰為賊船所敗散走賊船二隻昂泊洋頭官軍放砲火藥皆積濕火不奏功賊已登岸矣黃善身中箭死官軍齊潰賊四十餘船爭先亂渡叫呼之聲動天地慶徵敏求乘馬而走乘船與張紳同走趙翼李仁進奮身欲戰事無可為自投水中船人拯之賊於是如無人之境兩、作隊步府城望之鉞光如雷城中人告急於關內嬪官大呼痛哭步出宮門叩地呼天欲出城避于海城門皆閉乃以諺書寫出危急之狀送于備局終不開門嬪官自知難免即召內官金仁徐後行泣告曰吾與大君同死此地不忍元孫之同死也汝抱負而出幸而渡江則藏匿其處不幸不渡則隱伏巖穴死生之際汝善為之金徐兩人共護元孫至城欲斬

胡吏閔光勲即令開門出送賊逼至城下金尚容授火藥凡死李尚書鄭百亨鄭
孝誠洪命亨尹烜宋時瑩權順長金益謙李嘉相等死於亂兵中前掌令
李時稷害病面數行給其子其文曰長江失險北軍飛渡醉將惶惴忘國偷生
把守尾守萬姓魚肉况彼南漢朝暮且臨義不苟生甘心自決殺身成仁俯仰無怍
嗟爾吾兒慎勿傷生歸葬遺骸善養老母縮跡鄉閭隱宋起勉之即自決前
都正沈覲見其侄東龜艤艤請渡乃曰國破君亡生復何為遂整衣跣北向而拜
索筆遺諫曰宗社亡矣無可往矣臣今一死以報國恩手撫外孫朴長遠顧謂
夫人曰夫死於忠妻死於節潔身同歸實甘心遂相對而縊賊逼於城外謬曰
我之來此本為和好聞大臣在城中云出聽我言時尹昉脫身逃匿不報怨
官東奔西走艱難覓得則著毛笠衣弊衣出見之賊謂昉和事不可不
入城相議速開城門我軍入城居左貴軍居右議成和事可也昉曰唯之即開門
如其約分居兩邊既而逼出嬭官及二大君縱兵火掠焚燒城中遊兵四搶一島

糜爛禍亦慘矣賊更使爲卜直人謂卜直宰相李昭求李昭漢西夫人韓西
平諸家子女呂甫徵夫人皆死節金湜夫人金慶徵妻金震標妻及妾三人
震標以熟麻繩一結其項殺之鄭百昌夫人其善興求烏出他未及返其婿
震標殺而昏之善興詰戰而賊拉出李敏求妻將污之其子元拱重撲之相
謂曰安忍坐視此事擠其胡恟之胡人怒起一鈎屠殺二人其母與妻環視不救乃
甘心受污二子之烈二女之蠢乃如是夫尹垣兄弟率其妻攜母向江頭其母无
不疾足據顧謂其弟曰兄弟不可俱死汝奉母在此避之吾備先走登船其弟曰
吾何獨奉老母恒不顧挈其妻而去其弟與母隱伏巖谷竟被擄其母餓死
當時死節何限而多有微香人不得知漏不盡記名家巨族陷沒無遺而亦未
盡錄以嬪宮淑儀許多內人而大君并夫人渡江向南漢一內官告于鳳林大君曰
張判書夫人僂仆在此大君曰其子重之吾以其婿不暇自恤奈何卒至凍餒而
死賊退後滿目腥膻呼父呼母東瞻西顧聚一屯一時耶命耶亦子之無知

何奪於天耶先是國家以江都為保障而設倉百穀可謂累萬又自本青銀
帛紬布許多物貨委輸山積一且者皮船閱岳波蕩勞十年之經營竭萬民
之財力為一豎子所誤可勝痛哉慶徵以斗角之兒猥側勳班朝廷任人不能
賢否分朝重任委諸非人擢髮誅之其能及乎至於敘求以名父之子重任之居能
文墨未達誅敵倉卒受任智困魄神空為孔軌之詩不知門外擒虎生妻被
虜愛子舞榭園破家止名墜身累然則察幾為先明斷決之不咎不斷其能為
國乎余以贅說尾其後而是錄而許之以備太史氏修史之末云耳

江都後評

丙子年兵燹後有友袖一錄來示余乃江都敗沒之蹟也余聞有是錄而不得見於
心慙矣未知出於誰手而所錄頗詳密猶勝於口道之多漏也然記事無法筆
誅不嚴不法何視不嚴何畏此所以有金之許也夫江都國之保障而所以險固者
天設之也所以敗沒者人啓之也因天之設而固用其險則北來諸軍將安能飛

渡耶噫活我宗社臣妾我士女誰是 階誰任其咎傳曰人債事江都之敗
金塗致也何者塗亦人耳必知其子之庸下當 主問其子尚否直以不堪其
任對之則檢察大任豈歸於庸下之慶徵哉塗之意徒以江都固險輸財貨得
妻子之念汨其公母國身之心瞞君父而用其子乃凌風阜翼敗之斥鷃幾有
僥倖而不償人之事乎噫謝安之智然後知其任之賢則違衆舉親豈容
易也塗也言假有跡內濟其私至於殺其子滅其家而已則其於爾何益乎工
於謀者亦敗於謀其孫震標閭內屠戮亦塗使之也不有塗之誤其子則安有
其孫之屠其祖也塗之亂而國家之綱常掃地塗之罪至此而無所逃
矣當其時八江都也慶徵家累親屬雖賤僕隸未及時而惟嬭宮也元孫
暴露於津頭者有三晝一夜寒月凍餒之患亦及於他日儲嗣之尊則歟勿生
王家之說也發於元孫之口矣安有臣子而慢其君父若是者乎其忘君負
國之心權輿於此矣疾聲大呼：舉不在於屋轡之外則其將終不渡之耶

張紳雖曰為慶徵所節制亦一守志之臣則發一卒而探之艤一艘而渡之乃其敢
也何待聞嬪宮之大呼而告於慶徵然後渡之耶忠孝本無二致紳之待君
如此臨亂之累母不足責也尹昉一老奴耳平昔居家以禮義為蘧隆閨門
之醜說播諸外間則識者之唾鄙矣其時奉 廟社行特假大臣之名安有責
其同死於社稷也然則脫身逃走不待賊之渡江後知也身守夜遁豈獨宋
陳宜中哉其家子弟所知者利而已苟利之所在則雖父子必爭其孫垣之所
聞見如此則豈肯與之同死生哉挈家先走無足怪也至於趙翼一時之名公
耳所謂學問大也始與尹昉偕受奉 廟社之命而擅去果君命出沒島嶼
之間自号曰達義大將名則壯矣實何有焉學問之人果如是耶其終入於江都
與李行進舊欲一進者差強人意亦傷天其能及乎敏求世祿之臣也亦以文學
名世者也其任副於慶徵則檢察使之柄亦在於渠世望於渠者豈同於慶
徵哉徒得乳母之名未嘗出一謀画一策以禦巨敵而日與慶徵會酒作

甜謹忘君日恣便是兩度徵則門外之擒帝其來晚矣膝下兩兒血染凶鋒
百年仇讎夢酣疆帳禍亦慘矣至於竄謫之中縱酒盤遊戲笑自若豈人
情哉其夫人者尹昉之弟暉之女也一鞭青駝兩耳生風揚、自得少無愧怍
則娟媚態度真敏求婦也古人曰節義之門多節義尹昉之門安有節
義也噫女之從一于夫猶臣之從一于君也然逼賊自決、陰暫刻有遲則必
有濡身之辱而大節已虧故其死之急與男子不相等耳其時婦人自決
而立節者已盡載於本錄不若更舉也至於金湜一家諸婦則帷編於死節
夫人而以余觀之則度徵弑之金湜殺之也特假手於震標之索遽如於諸款則雖
欲不死得乎其可也死節者共編之於然偷生苟活者似有間矣鄭自昌
夫人韓氏不待自決而其婿震標手殺之彼震標者何狀物也屠其閭家猶且
不足又屠妻母何其手段忍且慘也夫人法家女也雖無震標之殺終不自決明
矣或有可生之道則其子善興者當竊負而走震標、殺不已遽乎然則

為善興者不暇營虜而先營殺母之人則善興之刃當及於震標之腹矣何止詰戰也哉綱常滅矣天理亡矣至於殺妻者則特震標之微過耳上天監臨其無罰耶嗚呼宇宙純剛至正之氣寓於人而不餒大亂之世必有死義之臣余於李堂令時稷沈都正親見之矣堂令臨死之日與子之辭慟然有生氣讀此而不隕淚者無人心者也都正死人之難能者也一聽其任艤船之請則轉頭之間死可為生而甘心自決夫婦同死嗚呼烈之矣意者趙昇發夫婦復生東國而以一死勵人紀耶不然則從容就死節義成復何若是也嗟夫節義天下之大閑也死生人世之大故也此丈夫之所難能況婦人者乎賢哉夫人某氏也賢哉沈李二夫人也屈原謂得其志雖死猶生其不信矣乎常倫苟危為賊卜直如尹昉臨亂先走如唐徵敏承張紳見之矣此四大夫向以為得計其於一時之議論何萬古之銖銖何屈原又謂不得志雖生猶死其不信矣乎余於金相固尚容尤有憾者何也著舊碩德莫如相固一世屬望亦莫如相固

不比鴛鴦之尹昉則至於安危勝敗之機全在相國身上也當其坐幄倚几
慶徵也慶徵不用相國之命則相國不有劔耶相國之劔不鈍則慶徵之頭亦
脆矣慶徵亦安敢不畏相國哉於是發號施令刻意防戍或海道出送收拾
散卒表裡拜援先破虜胆則吾知天府金城虜不敢生心而南漢之朝自壯
矣惜乎計不出此而徒委敏求之求飽而一任慶徵之橫恣終至於廟社蒙塵
身獨自焚快則無愧於古之烈士而其於國事何意者天祐吾邦不容人
力耶重為相公惜也彼慶徵敏求張紳者亦有七情豈不知江都一城非但廟
社之所寄渾之老母妻子皆寓於此雖無社稷存保之心獨不各愛其老母妻子
乎妾恃天險高枕肆志殊不知吳江天塹非不壯也而益州樓船順風無礙劔
閣石棧非不險也而種表相轉漢人不意掉頭忠言忘情脩御盤酒誰
浪只耽數日之樂國破家亡身冒萬古之耻所可道也言之長也噫西楚伯
王尚無面於江東父老則江都今日孤子寡婦怨奚止乎而已哉吾知慶徵

敏求張紳之面當無孔於天地中矣其欲刃其腹食其肉者豈其微哉嗚呼
刀鉅之鋒非不利也易鎗之火非不烈也而國家刑章正為此輩設也一勺鴆酒
不足以快國人之心而優容保全之曲又從而曲施之首罪之全遂得保首領則度
微之死寃矣當烹之敏求止於廬竈謫則晉所之戮哀矣張紳度微戴其首而
自盡則地中之鬼亦必憤矣尹昉敏求偃息於夜載之間則世人之憤當復如何
任不擇既先於前用刑不備重譴於後紀律不明勤王無章日後大臣當國
者其有戒於尹昉金遂而防鎮寧敵之將其有懲於度微敏求張紳也耶

洪學士立節事實

掌令洪翼漢字伯升号花浦南漢山城圍急賊要卞和臣以甘心鳴吉遂與
廟堂議以公及尹公集南京人吳公達濟應副丁丑二月十二日夜平安都事田
闢以有持塵甌山縣監邊大中執公于平壤宣里島縛送賊營晨夜疾行
五日到義州府尹林慶業出迎公于一舍外迎公入座曰明公此行真男子事

也二十五日始到瀋陽汗使囚公子別館胡將龍骨打至館所再三詰之曰不和者汝外必有他人勿諱直告也公曰去年春汝之使我國也請斬汝頭者獨吾一人龍將亦笑而去及至庭下屹然特立群胡皆起立俛觀使解其縛謂曰汝何不跪而倨傲若是公曰此膝豈可屈於汝乎汗曰汝何先背盟約而斥和使兩國成讐乎公曰甫與我國既約為兄弟而反欲稱帝臣我背約之失其在汝乎其在我乎汗辭塞良久曰汝既首斥和約則其志必欲殲滅我類矣大軍之出何不迎擊手反為我所擒乎公曰我之所執者只大義而已成敗存亡不預論也若使我國臣民一如我志則甫國之亡已無日矣即解衣投地裸袒而立曰聞甫國刑殺必以鬻鬻云何不速行鬻鬻乎仍索筆書紙曰大明朝鮮錄臣洪翼漢字和意事歷歷可陳而語音不通曉當以文墨控白焉夫四海之內皆可為兄弟而天下無兩父之子矣朝鮮本以禮義相尚諫臣惟以直節為風故上年春適授言責之任聞甫國將渝盟稱帝心以為若果違盟則是悖

兄弟也若果稱帝則是二天子也門庭之內寧有悖兄弟哉史載閭寧有二
天子哉況爾國之於朝鮮初有交鄰之約而先背之 大明之於朝鮮舊有字
小之恩而深結則忘深結之恩守先背之空約理甚不近事甚不當故首建
此議欲守禮義者是臣敢耳豈有他哉但臣子分義當盡忠孝而已吾上
有君親俱不得保護而全安之今 王世子大君皆為俘老母存沒亦不知良由
一疏之浪陳以致國家之禍敗揆諸忠孝之道掃地蕩矣自究乃罪可殺罔
赦雖萬錮誅戮實所甘心血一舉戮魂去飛天旣故國快哉此外更
無所言惟願速死、汗使漢人譯而聽之顧謂左右曰汝乃天朝難矣哉此
也仍出金帛和疏以示曰吾豈不可為皇帝耶公曰汝乃 天朝叛賊寧可為皇
帝也汗大怒遂令兩胡夾執而服而去二胡乃其國刑殺人者其日即萬曆十
月二十日也死時年五十二○尹學士集異學士達濟字季輝亦被執同死於

顯廟戊申嘗御政殿問三臣事於廷臣吏判問鼎重具本末以對左相許積以為
嘉事鈞名三人云

肅廟以辰子六日上展謁驪州寧陵孝宗二十九日還臨南漢登西將臺大臣及近侍

本府雷守引見時因領相南九萬所啓有建祠之命雷守李世白即為營立祠宇于

城內以國恆不即奉安癸酉三月十五日始得奉安顯節祠三字扁額南相筆也

三學士中吳尹公自此城出送則與死於此地看無異故立云祠於城內洪公則胎紳榮川故自士

林創立壯岩書院并享三先生忠正公洪先生忠貞公尹先生忠烈公吳先生

顯節祠神大提學李敏叙撰定以進賜額祭文知制教趙持謙製進

象武三賢聯芳堊省土人英猷孤城風雨生投席口乾坤慘裂

並挺一立勵操薑桂爭天勁節蒼卒事迫命輕鴻毛日月晦韜

時之罔極執款有淚白雁不來重悲恨江地分東西立祠遺擇

天胡忍斯鶴野無涯孤魂何處月黑麻渡義無彼此予以合祀

一間棟宇清儀若接念惟忠烈所遭之慘溫見夢裡紫市帶間

萬古風拜憤氣如生實世罕觀亦古未有歸忠可憐漬贅誰傳

萬古風拜憤氣如生實世罕觀亦古未有歸忠可憐漬贅誰傳

惟昔傷令 灵兮咏此
欲語則咽 永享茲芬

大報壇管建時 傳教 南廟甲申四月初十日

嗚呼先陰易逝泥灘重回天崩地圯卽此歲也壽亭之事追思掩泣下有親祀于何
寓象肆予起義斯然行之蓋所以明天理而植民彝也嗚呼 神宗皇帝再造藩邦
之恩天地同大河海無量寶晉東方沒世不忘者也今於建廟之事孰有異議於其間
而第或以禮節為拘或以宣泄為慮此則有不然者所謂禮節爛熳商賈務奸得
而自無難便之端所謂宣泄只在象胥中以重律嚴加持功則豈有宣泄之患耶嗚
呼尚思言武海內神州滿目腥塵回嗟天壽孰蒲明祀噫由此論之則今日建廟不特
予出報、誠宜在於此 神宗在天之灵亦安知不戀東土耶尊周之義皎如日星予志
之堅定如金石斷不可已也嗚呼追 聖祖之志事予所勉、於此而持難猶不行則何以
辭於天下後世乎其令禮曹斯速議處而頌者儒流中華防洞之說及履思惟終涉不便
亦在該曹之商處也

御制大報壇詩并小序 乙酉三月初九日

今晚祇詣 皇冊已舉殷禮幾年修營竟遂至願事孰所拘離未準
禮此固大幸也壇壇將祀之際恍若玉輅東巡謹近耿光予懷倘復如
何感極于中自祭於吟詠所以示不忘也嗟爾銀堂玉堂三筆之臣其各

祀詩

大報壇成肇祀親衣勉濟班行造首被隆恩銘在肺追思豈但微誠寓
時維春月屬和春馨篚珪禮幣陳今瞻神座佛沾巾竊願寧陵聖志傳

皇冊報祀聖躬親格小純誠神可質金生席類恩緘骨要識於戲不忘
香火重修六十春近東舊禮跡成陳助祭臣隣涕滿巾先王文物至今傳

右臣鄭 浩 文獻拜移
首奉廣

黼座紅雲儼若親籩豆豐秩精誠合帝德如天宜粉骨中厚父老應延頸
東韓一域大明春冕服煌煌禮陳宸章揭日自沾巾烈祖遺謨正可遵

右臣權尚夏 忠肅拜移
首奉廣

英宗乙巳禮判丹巖閔鎮遠神劄

伏以殿下嗣位以來勵精圖治夙夜虔勤中外拭目想望至治此實 皇社無疆之休
也臣白首炎荒幸而不死重入脩門獲近耿光其追先朝殊遇亦補涓埃之效豈有
窮已學識茫昧精力衰耗何足仰報萬一哉臣竊聞殿下發號施令之際為其
先務者一則曰敦孝悌也二則曰蕩平此豈非帝王之盛節當世之急務也然殿下
下之所以施為措處者似若與臣平日所聞所學有異君臣之間講磨道義務歸
至善自是美事臣敢竭愚忠而極言之惟殿下虚心納焉所謂孝悌者有本有末
本者孔子所謂善繼志善述事者也恭惟我 南宗大王仁明睿智剛毅果斷臨御既
久春秋益高於國家大事無不鍊達明習人情世道是非若燭照而龜卜舉其大者
而言之則辛巳討逆丙申定斯文斯二者俱係天地之常經人倫之大綱其所以處之者又皆容
為從容審慎熟慮深思不暴喜怒不動聲色一舉指而歸正可以傳百世而無弊
俟後聖而不惑者也粵若我 大行大王臣於昔者六年春坊侍講最久伏見 仁睿

明智惠溫粹和誠是不世出之英姿也加以學問夙成行誼純篤卒已 仁獻王后之
上賓也哭泣之聲聞者莫不墮淚其續甫廟之業光甫廟之烈者可必於他日
矣不幸中年以來疾病乘之寢膳起居之節不至大段保言常而事務酬應之
際或未之審察臣僚陳奏之言或未之領會外廷諸臣咸懷憂懼惟思至誠
夾輔隨事匡救以俟早晚平復之慶矣 先王自量疾患之難強有妨於酬應
萬幾托 殿下於儲嗣之重因命代理庶務諸臣無不憂傷哀慟不忍奉承者
蓋亦有日矣及至有世弟可乎左右可乎之教旨意愈為懇切 聖慮愈益
深遠而一種諸人自生疑懼恐其不利於已趙泰者不有請竄之望啓率其徒
黨冒入闕門不由政院直蒙 賜對輒皆以 宗社將亡為言臣未知左右用事
則 宗社可安 殿下代理則 宗社將亡者是果何說而臣等猶以為彼輩妄生疑
阻不顧國家之大體者黨為迷惑之甚及至逆宦尚儉事務發覆則意甚因此而
或知當日諸臣之心事與夫渠輩之為罪得以自息禍心矣乃反徑搆大獄不

竊事實帝賊一鏡絀出而肆行斬伐誣悖恠甚凶徒締結交亂至是根藉難掩矣
於是乎以丙申大處多為一甫宗本意容易度改辛巳遂獄雖未翻案而大
嬪之補祠宇之建一反甫廟遺旨凡甫廟政令不問大小寢易殆盡輒稱曰
掌上旨焉呼以前後處多為不是當則已義理明白付托之丁寧如此而及
大行朝一切寢改是豈先王之本意哉況以平昔英睿之聖姿推托於此等舉措
則豈有一毫近似者乎其曰掌處其曰俞其曰允者蓋是違豫中之應於
羣凶奏達之際而於本事之是非或未明察而然也夫疾病之求聖人之所不免
而顧何損於聖德而一隊羣凶曲諱先王有疾陰以自脫其欺美無嚴不恤其
上加玷累寧名痛心噫嘻殿下之承事甫廟與凡幾年矣詳知兩聖之本心
者宜莫如殿下殿下以為甫廟丙申處多果非本意而先朝之所寢改
者其果一出於膚裁而不由於凶邪之榮惑耶臣以近日而先王復享復嘗事
觀之決知殿下之意未嘗疑眩於此矣然則彼徒者於甫廟則直斥其處

分由於積年沉痾之疾恣意誣蔽不少顧忌於先王則秘諱疾患設為禁防
或及此輒指為違以至導殿下摸殺上書者而其意愈不己此其故何也
殿下不當思及此耶殿下睿學高明於義理曲折必洞然無疑而官闈間細
大之事又殿下所稔知也則其於羣下之患邪是冰寧有不能辨者哉特以事系
兩朝導 甫廟之處分或慮其訝於先朝故先朝之軌輒則或慮有碍於
甫廟是以持疑不決左右難處夫如是則 甫廟之被誣無日可辨 先王本
心無時可明矣明言 先王以仁孝聰睿之姿不幸有無妄之疾為人所障蔽
數年之間變易 甫廟之舊政者一出羣邪之眩亂然後始可以解中外之惑
釋後世之疑而先王之本然懿德乃得如日星之昭揭矣然則先王固未嘗不繼
甫廟之志也 甫廟之事 殿下亦未嘗不繼 先王之志也 先王之事而王聖
授受之際 聖德大業光明洞達若合無異是豈非孝悌之大本耶臣之如是
所言者蓋恐耳目寢遠事勢寢久則奸之徒獲遂陰脫之計而兩聖

此誣初無可辯之期矣夫不諱先王之疾然後先王之誣可辯先王之誣既辯則
甫廟之誣不待辯而自明矣殿下必須推明兩聖本心之所在中間撓蔽之委折
曉諭中外使兩聖心事如青天白日人得以見史得以書之則庶幾無嫌於繼
述之義而克盡孝悌之道如哭泣之哀祭奠之禮不過為孝道下節耳臣文雅
不尤更歷百吏入於殿下之前言及先朝之事上下往復無非可悲者竊想
殿下聞此難以為懷也亦非臣所引提說今茲所論上因國體臣若不言則是
事殿下不忠而忘兩朝罔極之恩也伏願殿下深留聖意焉至於湯平
二字人君用事之際絕祛一毫私意惟觀其人之賢邪其事之是非而已朱子所謂
知其為非而祛之則祛之猶恐不果而不當復其果之甚也知其為是而行之則行之
惟恐其不力而不當復其力之過也知其為賢而用之則用之惟恐不專任之不驟而
不當復其為庸也知其不肖而退之則退之惟恐其不遠去之惟恐其不盡不當
復其有偏云者是也宅心至公惟賢邪是辨而一慮字忘諸此中然後方可謂

陽平是以舜舉皋陶而不仁者遠陽舉伊尹而不仁者遠若於賢邪進退疑其爲
偏黨而云欲兼薰蕕冰炭於一甕之中則冰并用相濟之理而大違於其聖
蕩平之訓此宋之建中靖康所以卒召靖康禍者也然則居常窮理之工有
所未至則其賢不肖之辨甚難人君喫緊用功處只在此若能去一私字則斯
過半矣所謂私字非偏用私昵之人然後謂之私也欲以無私示人欲以蕩平見稱
而出於有所爲之心者亦私也然臣愚竊以爲今日賢邪難之最易何者幸先王
之有疾歟 殿下之英明盤據糾結欲濟其私者皆公徒也而殿下既已覽其然
矣然退斥之降遷其或歸於偏黨輒有顧藉愛護之意朱子所謂若不同其是
非而直而待之如此則是是非不伸而惡者反幸而免以爲蕩平是乃所謂大不
幸近之而亦有幸於盡經勿疑之訓矣德討既行是非大定之後持是道不改
磨送日月 其中稍有樹立者隨才調用於百執事之列則年久之後衆論
自定是非大明自然有革面從新之效而當戒者殺殺無辜而已臣以爲蕩平

之道無過於此矣嗚呼 殿下以天假之聖承艱大之業以孝悌為出治之本以
萬平為治道之方可謂得其體要而然而深究其根本剖析其幾微者如上
所陳物觸 殿下論議以合之間每欲避遠悔類拘於小節傷於大體者
幾多有之殿下若求之於用心之微考之於應事之際則亦不覺其有補矣臣
恐此意未達則悔無處不窒礙而孟子所謂教於心而實於政者有不可勝言
者矣程子曰避嫌之事賢者且不為况聖人乎夫人主一身宗社之所托億兆之
所係是以事必求見人者尤賢一念要在於安宗社底億兆而已何敢自有其身
曲避小嫌耶孔子曰德之乎舜禹之為天下而不與焉不與者謂不相關即不故
有其身之謂也 殿下近年以來阻阻艱難亦既備嘗之矣自在潛邸已遭
橫逆之言及直 儲位又遭鳳輝之阻遇世亮之凶言而猶有先德之訓虞鏡
虎之構誣其他尤動不安之端不止一二此輩皆宗社之罪人非 殿下之往離也即
祚之初雖即日盡取而正其罪此實為宗社討賊也非為自己復讎也湯伐葛而

四海皆曰非辜天下也蓋湯之無一毫自私之心天下皆知之也今殿下討罪只知有
辜社無一毫私意以湯之伐葛則此所謂天討有罪顧何有於殿下之一身乎
今殿下虐人之或疑自己復讎容忍半歲認賊為子不惟不討而已新政之初
擢鳳輝於輔相此真所謂以德報怨而孔子之所不取也殿下初見鳳輝之疏上
章於先王至有毛骨俱竦之語此非辜社之罪人乎辜社罪人爰立於初政者豈
不大有乖於天理人情耶伏聞其後廷中有比擬於桓公之說廷席語秘雖不得
其詳而可謂大不襯者矣官仲之射鉤以其有子糾之爭立也乃桓公之罪
人也非得罪於齊之辜社也是以桓公怒其者為其主而且之今殿下為先王儲
副元無子糾之爭而鳳輝敢為遮莖之計此但為殿下之罪人耶抑辜社之罪人
耶執此數款及虎天理則殿下所指之失當可知矣且殿下進位儲副也先
王尊音慈聖而定策其時諸臣不過協贊其間而已有何功勞之可論而遽徒
恐殿下之思用舊臣敢以援立擁立定策國老等說相繼陳達乞歸殿下於

有嫌當避之科 殿下不得不動心於此等說竄逐諸人之無罪托冤者亦不憐

愍而久靳師澤最後始看數子人而當初建儲陳疏之臺諫則尚帶顧海并其

同時被誦者均有向阿之歎此皆 殿下遠嫌疑之過也伏願 殿下凡朕政令一循

天理之正惟以宗社為念勿以一毫自己之私見之念顯則規模宏大賞刑合理億

萬年無疆之休其自此始矣朱子告其君曰陛下前日未嘗有求位之心則可以轉禍

為福尤為要誠至論也 殿下前日未嘗有求位之心則可以轉禍

為福尤為要誠至論也 殿下前日未嘗有求位之心則可以轉禍

殿下聞此言若將坐於塗炭必欲速避嫌疑洗濯此累則徒示人不廣而有即於

昭雪耶只擬朱子之言潛心力行勉之不急則天下後世自可昭然矣臣受恩而朝

固報無計今且死矣茲敢涕泣而陳之更願 殿下之心必誠見義必果斷

出言簡易毋加人過免失之懼必施人同功之賞毋為漢唐奸名之立陳誠五霸假

仁之習予以鞏固邦家予以保守產業其若且之所神不中于理則亦願明白論

而斥退之以為人臣妄言者之戒幸甚

2

Handwritten text in blue ink, possibly a signature or date, appearing as "1844" and "1845".

Large, dark, illegible handwritten marks or characters on the right side of the page.

五
月
廿
六

辛
丑



七

五

三

陽

甲

廿六

初